


SEKA

 Palo ya Lentšu. Sebakeng sa tirelo ya go tswalela, lebaka ke le kgopetšego le eme. . . Ge ba letša *Sefoka Sekgabišwa ka Naledi*, le a ema. A ga le? [Phuthego e re, “Ee.”—Mor.] Ka gona gobaneng go se sebakeng sa Lentšu la Modimo? Ke tlhompho. Bjale godimo ka go Puku ya Ekisodo, tema ya 12, go thoma ka temana ya 12, ke duma go bala karolo ya Lengwalo, ya 12 le ya 13 temana.

Ka gore Ke tla putla go kgabola naga ya Egepeta bošegong bjo, gomme ke tla otlā . . . leitšibulo ka nageng ya—ya Egepeta, bobedi motho le phoofolo; gomme . . . ke tla phetha kahlolo: Ke nna MORENA.

Gomme madi a tla ba go lena bakeng sa seka godimo ga ngwako fao le lego; gomme ge Ke bona madi, Ke tla feta godimo ga lena, gomme kotlo e ka se be godimo ga lena go le senya, ge ke otlā naga ya Egepeta.

2 Hlogotaba ya ka ke: *Seka*.

3 A re inamišeng dihlogo tša rena bjale. Gomme mo go homoleng ga Gagwe ga sebaka se se sa go ikgetha, pele ga go Mmatamela ka thapelo, a go na le kgopelo yeo o ratago Modimo go ka e araba sekgaleleng se? E no phagamiša diatla tša gago go o dira, gomme nagana tlase ka pelong ya gago seo o nyakago A se dira. E ka ba kae ka moagong, e no nagana seo o nyakago A se dira.

4 Tate wa rena wa Magodimong, Wena O Modimo mosefetoge, gomme re a rapela gore O tla araba dithapelo tša rena, sekgaleleng se, bjalo ka ge—bjalo ka ge re swarane diatla tša rena. Gomme Wena o lemoga gore diatla tša ka di godimo, le tšona. Gomme kgopelo ya ka, ke tla e dira e tsebje phatlalatša, ke gore, Morena, gore O tla fodiša motho yo mongwe le yo mongwe ka fa lehono, phološa yo mongwe le yo mongwe a lahlegilego. Bjale, O rila, “Ge le kgopela Tate e ka ba eng, ka Leina la Ka, Ke tla e dira.” Bjale, Morena, re thuše mmogo go dumela bjalo ka ngata ya batho, ya bana ba go dumela. Bolela ka Lentšu la Gago, Morena. Lentšu la Gago ke Therešo. Šegofatša dipelo tša rena.

5 Re leboga Wena bakeng sa kopano ye. Re leboga Wena bakeng sa Ngwanešu Grant, le bakeng sa bašomi ba gagwe bohle, le dikereke tšohle le batho. Gomme bakeng sa tšohle O re diretšego, Morena, re leboga Wena. Tate, go ka no ba ba bantši ba rena fa ba ka se tsoge ba bonane gape bjale, go fihlela re bona ka go lehlakore lela le lengwe. Ye e ka no ba tirelo ya mafelelo yeo re tla dulago mmogo mo lefaseng le. A nke Moya wo Mokgethwa o tle le go re šegofatša mmogo, direla go rena ditlhoko tša rena. Ka Leina la Jesu re a rapela. Amene.

Le ka dula.

6 Ke na le papetlana ye nnyane ya lephephe fa, ke ngwala ntle Mangwalo a itšego le dilo tše dinnyane. Ke be ke fela ke kgona go e gopola ka monaganong wa ka, eupša ke sa tšo feta masomepedi tlhano, le a tseba, ke go re, lekga la bobedi. Gomme ka gona ga ke elelwe go swana ke be ke fela, gomme bontši bjalo bo tataganela godimo ka dikopanong le dilo, le bontši bjalo go dira.

7 Tabakgolo ya rena sekgaleleng se ke: *Seka*. Tiragalo ya rena e bulega ka Egepeta. Ke seswantšho se segolo fa bjale, ke nyaka lena bohle go se bona gomme le no ba ka tlhompokgolo bjalo bjalo ka ge le ka kgona. Egepeta ke lefelo la tiragalo, gomme nako ya tiragalo e no ba mo mathomong a khudugo.

8 Gomme, bjale, ke sekai sa lehono, se bontšhitšwe, bjalo ka ge gape re lebane le khudugo ye nngwe. Modimo o ntšha Israele ka ntle ga Egepeta, go ya nageng ya tshepišo, e bile sekai sa Kriste a ntšha Monyalwa go tšwa go kereke, go ya Nageng ya tshepišo. Re ka go khudugo ye nngwe. Bjale ge le ka ithuta Lengwalo, re no ba le nako go betha mafelo a godimo a yona, yeo ke therešo. Rena re . . . Bjalo ka ge Modimo a ntšhitše setšhaba ka ntle ga setšhaba, Modimo o tla ntšha Monyalwa ka ntle ga kereke. Monyalwa o tla bitšwa go tšwa go dikereke tšohle. E tla ba bakgethiwa ba Modimo, ba tla ntšhetšwa ntle. Gomme re ntlhaneng ya khudugo yeo gonabjale, ka gore re na le kgonthišišo ya Lengwalo le lengwe le le lengwe gore re eme fao. Bjale, ke a tseba seo se boletšwe makga a mantši, eupša, mogwera wa ka, nako ye nngwe e tla boletwa lekga la mafelelo. Nako e tla sesefalela ka go Bokagosafelego nako yeo. O tla go tšea Monyalwa go tšwa go kereke.

9 Seka e bile selo seo se dirilego phapano magareng ga Egepeta le Israele, ditšhaba tše pedi. Bohle ba be ba le batho, eupša bohle bahlolwa ke Modimo, bohle tiroatla tša Modimo, eupša, phapano ge kahlolo ya lehu e fetišitšwe, phapano magareng ga bophelo le lehu e bile seka.

10 Gomme kafao go tla ba mo go tleng ga Morwa wa Modimo, ge A ntšha Monyalwa ka ntle ga kereke, phapano e tla ba Seka. Bjale, le theeletšeng kgauswi sekgaleleng se, gomme le bone ge seo e se therešo. Seka e tla ba phapano. Go swanetše go ba le phapano.

11 Modimo o ya go ahlola lefase, letšatši le itšego. Ge nka botšiša batho ba Katoliki, ke mang A yago go mo ahlola, O ya go ahlola lefase ka eng? Ba tla re, “kereke.” Kereke efe? “Kereke ya Katoliki.” Kereke efe ya Katoliki, go na le tše mmalwa tša yona? Mamethodist ba tla re, “ka Methodist,” Mabaptist gona ba ka ntle ga yona. Gona, ge o le ahlola ka kereke ya Baptist, ka moka ga bona ba ka ntle. Mapentacostal a re, “ka Pentecost,” gona ka moka ga bona ba ka ntle. Le a bona, e tla ba go tšhašarakano,

tšhašarakano e ntšhi kudu, go šašarakanya kudu go monagano, go nagana ka selo sa mohuta wo.

¹² Eupša Modimo o bile le tsela fa yeo A rilego O ya go ahlola lefase, e sego ka kereke ya Katoliki, e sego ka kereke ya protestant. Eupša O ya go ahlola lefase ka Jesu Kriste, gomme Jesu ke Lentšu, kafao šeo e tla morago go Beibele gape. Le a bona? O tla ahlola lefase ka Beibele. Gomme Beibele ke Puku kahlolo ya Modimo, yeo e lego kutollo ye e feletšego ya Jesu Kriste, yeo go sego selo gape se ka go oketšwa goba e ka ba eng e tlošwago go tloga go Yona; kotlo ya go se dira, ke leina la gago ka ntle ga Puku ya Bophelo. E no dula thwi ka Pukung, le go rapela Modimo go re dira karolo ya Leo.

¹³ Bjale re hwetša, seka, seka ke eng? Seka ke leswao la boleng bo lefilwego, seka ke sona. Feela go swana le ditimela le dipese, re tšea tšhelete ya rena gomme ra ya seteišeneng. Bjale, le a bona, dipese ga se di dumelelwe, mafelong fao go dirišwago dika, ga se ba dumelelwa go tšea tšhelete. Ba ka se kgone go tšea tšhelete, go tšea seka; e re, difofane, e ka ba eng gape. O ya go lefelo le itšego, khaontara ya go reka, gomme wa reka, go tšwa go tšhelete ya gago, bontšhi bjo bokaalo bja dika, seka se se itšego. Gomme seka se ke leswao gore leeto la gago le lefeletšwe. O na le tokelo ka gare ga sekepe, ka gare ga sefofane, ka gare ga pese, goba e ka ba eng e lego, ge feela o swere seka go bontšha gore la gago—la gago leeto le lefeletšwe. Bjale lelelwa seo. O se se lebale.

¹⁴ Kwana e bolailwego ya Israele e bile... e bile senyakwa sa Modimo. Jehofa o nyakile kwana e bolailwego, kemedi tlhokamolato. Bjalo ka ge re fetile go beke e ilego bjale, gore Modimo, ge A dira sephetho, ga a ke A se fetola. Gomme O dirile tsela, selo sa Gagwe sa pele seo A se dirilego ge motho a wele, O ile a swanela go dira tsela bakeng sa gagwe morago, ge A kile a nyaka go mo lopolla, gomme O dirile sephetho gore O phološitše motho ka Madi a tlhokamolato yo Motee. Gomme go ya go ile O dirile selo sa go swana. Ga se nke a se fetola. Ga go na lefelo Modimo a ka tsogego a kopana le morapedi e ka ba ofe, feela ka tlase ga Madi. Leo ke lefelo la Gagwe le nnoši.

¹⁵ Re leka go Mo dira a kopane ka tlase ga thutamodimo ya rena, ka tlase ga kereke ya leina ya rena, ka tlase ga mananeo a thuto tša rena. Ba bangwe ba agile ditora gomme ba bangwe ba agile ditoropokgolo, Babilone le—le tora ya Babele, le mehuta yohle ya go fapana ya dilo. Eupša e sa dutše, Modimo o kopana fela le morapedi ka tlase ga Madi. Ga nke a e fetošā. Re ka se be bohle Mamethodist, re ka se be bohle Mapentacostal, re ka se be bohle *se, seo*, goba *se sengwe*, re tlo se kwane. Eupša ge ke etla go monna, e ka ba moprisita wa Katoliki goba e ka ba eng a lego, ge a le ka tlase ga Madi ale re banešu, go sa tshwenye o mo kae, ge feela a le ka tlase ga Madi ale.

16 Bjale, kwana ya go bolawa ya Israele e be e le senyakwa sa Jehofa, gomme madi a bile seka gore mošomo o dirilwe. Modimo o nyakile bakeng sa topollo, go tšwa Egepeta, go ya go lefase la tshepišo, O nyakile phoofolo ye e bolailwego. Gomme phoofolo yeo e swanetše go ba . . . Madi a phoofolo ye e hwilego a swanetše go bewa godimo ga lentlele le godimo ga monyako, gomme ao a eme seabakeng sa seka gore selo seo Johofa a se nyakilego se phethagaditšwe. Le a bona? Bjale, e sego kwana e be e le seka, madi a be a le seka. Bjale, bophelo bo be bo sepetše go tšwa go sehlabelo, gomme bjale madi a be a le seka. Ditao tša Gagwe di be di phethagaditšwe. Madi a eme seabakeng sa seka, leswao gore modumedi yo o dirile tlwa seo senyakwa se bego se le. Ao a bile seka. Go lokile, go bona modumedi, a rapela, e bile gona a itswalanya le sehlabelo sa gagwe. Le a bona?

17 Ngwako šo, gomme morapedi, senyakwa e be e le eng? “Bolaya kwana. Ka letšatši la lesomenne ka morago ga ge e beilwe godimo, ye—ye tona ya go hloka bosodi, ka moka Israele e tla e bolaya, gomme madi a tla tšewa ka hisopo le go tlotšwa godimo ga lentlele la monyako.”

18 Gomme, galego, hisopo ye e be e no ba bjang bja tlwaelo. *Hisopo* e ra gore “tumelo ya gago.” Yo mongwe o leka go ba le tumelo ya ka godimo ga tlhago, leo ke lebaka o hlaelwa pholo ya gago. Tumelo e no ba selo sa tlwaelo. O na le tumelo go tla kerekeng. O na le tumelo go sepela ntle fale. O na le tumelo go dumiša koloi ya gago. O na le tumelo go ja matena a gago. Yeo ke tsela e lego, feela tumelo ya tlwaelo. Bjalo go tlotša madi, a ile a tlotšwa ka hisopo, yeo e no go ba bjang bja tlwaelo bjoo bo melago mogohle ka Palestina, go bontšha gore tumelo yeo madi a tlotšwago ka yona ga se selo se itšego sa godimodimo o swanetšego go ba le mehuta yohle ya digrata tša bongaka go e dira. E no ba ya tlwaelo, tumelo ya tšatši ka tšatši, go dumela Modimo. Le a bona? “Tlotša madi,” ka tumelo, “ka hisopo.”

19 Bjale, morapedi, nako yeo, o bone bokatlase ga madi a, o bontšhitše gore o phethile kgopelo ya Jehofa, gomme o be a tswalantšhitše. Seka se bontšhitše o be a tswalantšhitšwe le kwana ye e bolailwego yeo Jehofa a e nyakilego. Mošomo o be o dirilwe. A sekai se se phethagetšego lehono, sa Kriste le modumedi. Ge Seka se pealaditšwe go modumedi, gona Se bontšha gore se amogetšwe gomme mošomo o dirilwe.

20 Gona, madi a bile seka sa boitsebišo, madi ka bowona. Phoofolo e tšwile madi, ya hwa, gomme madi a yona a bile mo lebotong. Bjale, bophelo bja phoofolo, bjoo bo bego bo le ka mading. Gomme bophelo bo ka mading, re tseba seo. Beibele e boletše bjalo, le saentshe e bo kgonthiitšwe, bophelo bo ka mading. Bjalo kagona ge phoofolo e bolailwe, gomme bophelo bo thubutšwe go tšwa go phoofolo, madi a swanetše go ba khemisetri ya madi, go ema bakeng sa seka. Ka gobane, bophelo

bjoo bo bego bo le ka mading bo ka se kgone go tla morago godimo ga modumedi, ka gobane e be e le bophelo bja phoofolo.

²¹ Gomme bophelo bja phoofolo le bophelo bja motho bo fapane ka go phethagala. Ga go na, ga go na selo ka go bjona le gannyane. O tšere, tšea madi a phoofolo gomme wa a tšenya ka go wena, o tla hwa. Kafao o a bona, rena, bjona ke—bjona ke bophelo bja go fapana ka go madi a phoofolo go feta go na le ka go madi a motho, ka gobane motho o na le soulo. Phoofolo ga e na soulo.

²² Gomme bjale, kagona, madi ka bowona, kwešišang bjale, khemisetri ye khubedu, dikhemikhale tša madi, a be a swanetše go ema ntle mo monyakong, bjalo ka seka gore kwana e hwile, bjale, ka gobane bophelo bja kwana bo ka se kgone go tla morago go morapedi wa motho. Eupša lehono . . . E be e le sekai.

²³ Lehono ga se khemikhale Madi a Morena Jesu, Kwana ya rena, eupša ke Bophelo bjoo bo bilego ka go Madi, e lego Moya wo Mokgethwa. O tla morago gomme ke Seka gore re amogetše le go dira tlwa seo Modimo a re boditšego go dira. Gomme gona, ka go ba le Seka, re tswalantšhitšwe le Sehlabelo sa rena. Ka phethagalo. Ga ke bone ka fao e ka ba eng gape e ka ba go pepeneneng go itšego. Le a bona?

²⁴ Tsela e nnoši e ka ba mang a ka bolelago gore ngwako woo ke wa, le yena, ka tlase ga madi, gobane khemisetri ya madi e be e le mejakong. Ba putlile go kgabola, Morongwa wa lehu o be a swanetše go lebelela le go bona madi. Bjale, gape, e be e le sekai sa Moya wo Mokgethwa.

²⁵ Bjale, le a bona, Madi a Jesu seng a be a ka se kgone go tla godimo ga yo mongwe le yo mongwe wa rena, gobane O bile feela le Madi a makaalo bjalo ka mmeleng wa Gagwe. Gomme a rothile go tloga, ntle ga mmele ga Gagwe, ka mobung, mengwaga ye dikete tše pedi tša go feta; eupša e be e se bakeng sa go ba Seka. Bophelo, Bophelo bjo bo bilego ka go Madi, e bile Seka bjale. Ke tla e netefatša go lena, feela mo motsotsong, ka Beibele. Ke Seka seo se tla tlogo godimo ga yo mongwe le yo mongwe wa rena, go bontšha gore re tswalantšhitšwe le Sehlabelo sa rena, gomme re phethile kgopelo ya Jehofa.

²⁶ Petro o rile, mo Letšatšing la Pentecost, “Sokologang, yo mongwe le yo mongwe wa lena, gomme le kolobetšweng ka Leina la Jesu Kriste bakeng sa tebalelo ya sebe, gomme le tla amogela neo ya Moya wo Mokgethwa. Ka gore tshepišo ye ke ya lena, le go bana ba lena, le go bona bao ba lego kgole, bontši kafao Morena Modimo wa rena a tla go ba bitša.” Le a bona, e sego go e bontšha feela go bona. “Bontši kafao Morena a tla go bitša.”

²⁷ Go na le ba bantši ba naganago ba biditšwe. Eupša bohle “Morena” a bitšago! “Bao A ba tsebetšegopele, O ba biditše; bohle ba A ba biditšego, O ba lokafaditše; bohle ba A ba lokafaditšego, O ba tagafaditše,” selo šetše se phethilwe.

28 Gomme gona ge o tšea motho yoo a sa dumelego gore Moya wo Mokgethwa ke wa lehono, le a bona ba dira eng? Ba gana Seka seo e lego leswao ruri la gago go kgomagantšhwa le Sehlabelo sa gago. Le a bona seo ke se rago? Go bonolo ruri ge o no e lebelela ka—ka tsela ye Modimo a nago le yona e ngwadilwe ntle bjale. Madi a re rwele gomme re be re . . . bontšha le—le leswao la Moya wo Mokgethwa, gore ke Bophelo.

29 Bjale, bophelo bja phoofolo bo be bo sa kgone go tla morago ka go motho, gobane a be a ka se swanetšane, bophelo bja phoofolo ga bo na soulo ka go bjona. Bophelo bja motho bo na le soulo. Phoofolo ga e tsebe e a ponoka. Ga e tsebe go loka go tloga go phošo. O, o no . . . O na le mo—mo moya, eupša e sego soulo. Bjale elelwang, bjale, soulo ke tlhago ya moya, ka kgonthe.

30 Bjale šetšang, eupša gona ge Bophelo bja Sehlabelo, Jesu Kriste, ge Madi a Gagwe a tšholotšwe. O be a le Modimo, a tswaleletšwe ka go Motho. Bjale, O tlike fase go tloga go beng Jehofa, go itswalanya ka Boyena bjalo ka motho, go tšea godimo ga Yenamong sebopego sa motho, go tswalanya rena le Yena. O be a le Kwana ya Modimo. Gomme ka gare ga Gagwe, fao Madi . . .

31 Bjale ke a tseba yo mongwe o re, “O be a le madi a Bojuda.” O kwa Bajuda ba bolela seo. O be a se madi a Bojuda, gomme gape O be a se madi a Montle. O be a le Madi a Modimo. O be a se na a Bojuda . . . O be a se ge e ka ba Mojuda goba Montle. O be a le Modimo. “Kga—kga—kga kgarebe e tla ima.”

32 Bjale, ke a tseba bontši bja lena batho le Maprotestant ba nagana gore lee e bile la Maria. Gomme hi—hi himoklopinini yeo e tlogo, bophelo bo tla ka go sedibelwana sa madi. Gobane, sethole se ka beela lee, ntle le go ba le kgogo ye tona, le ka se phaphaše, gobane ga se le nontšhwe. Bophelo bo tla go tšwa go moelamadi, woo o tlogo go tšwa go bongtona. Eupša ka go taba ye ga se go be le bongtona, kafao, “bophelo ka mading,” bo be bo swanetše go tla go tšwa go Modimo a nnoši, gomme o hlotše sedibelwana sa Madi ka popelong ya Maria. Modimo ka Boyena, Mohlodi ka Boyena, o hlotše sedibelwana sa Madi. Bjale lebelela. Ba re, “Gabotse, e bile mmele. Maria o bile le lee.” Aowa, mohlomphegi. Ga se a ke; ga go lee. Ge e ba e bile lee, o ka se be le peu ntle le maikutlo. Gomme ge e ba Yena, o bile le maikutlo, na o na le Modimo a dira eng?

33 O hlotše bobedi lee le Madi. Seo ke tlwa seo A bilego. “Re kgwathile Modimo,” Beibele e boletše. Timotheo wa Pele 3:16, “Ntle le go ngangiša sephiri sa bomodimo ke se segolo: Modimo o bonagaditšwe mo nameng. Re Mo kgwathile ka diatla tša rena.” Mmele wola e be e le Modimo. Ka kgonthe, o bile. O be a le Modimo mo gohle, ka sebopego sa motho.

34 Bjale re lemoga ka go se, gore sedibelwana sela sa Madi se thubilwe, seo se lokolotše Modimo. “Modimo o be a le ka go Kriste, a boelanya lefase go Yenamong.” Moo, ga go yo mongwe

a ka go dira, ga go selo gape se ka go dirwa; go tšere Madi ale a makgethwa, Yenamong. Modimo o ile a swanela go tla fase le go ba motho, go tlaišega ka molao wa Gagwe Mong. Ge Jesu a be a no ba moprofeta, monna a arogantšwe go tloga go Modimo, gona Modimo ga se a loka.

³⁵ Ge nka re, “A nke Ngwanešu Grant a hwele sebe seo Billy a swanetšego go se hwela, goba se sengwe gape, kotlo ye itšego,” seo e tla ba go se loke. Ge nka ba le morwa wa ka go hwela kotlo yeo ke e kwalakwaditšego, go sa no ba go se loke. Go na le toka e tee nka go e dira, yeo ke go tšea legato la gagwe, ge ke nyaka go mo phološa.

³⁶ Gomme Modimo o ile a swanela go ba nama, gore a tšee legato la modiradibe; Modimo a bonagaditšwe mo nameng, ga go selo bonnyane go feta Modimo ka Boyena. Bjale, šo O be a le, a bonagaditšwe mo nameng, go tloša dibe tša lefase. Gomme O itswalantše ka Boyena ka go rena, gore re ke re tswalantšhwe ka go Yena. Le bona morero wa yona?

³⁷ Bjale re hwetša tswalano ya rena le Sehlabelo sa rena, Bophelo bja Sehlabelo ka go rena, bjo e lego Moya wo Mokgethwa. Ge sedibelwana seo se thubja, se lokolotše Modimo, lokolotše Modimo, gore O be a hlwekišitše batho ka Madi a Gagwe Mong le go bea Modimo ka go motho gape. Modimo ka go wena, Bophelo bjo Bosafelego!

³⁸ Gomme moithuti yo mongwe le yo mongwe wa Segerike o a tseba gore lentšu leo, Bophelo bjo Bosafelego, le tšwa go lentšu Z-o-e, Zoe, le ra go “Bophelo bja Modimo Mong.” Yeo ke nnete. Tsela e nnoši yeo o ka tsogego o bile le Bophelo, go na le sebopego se tee feela sa Bophelo bjo Bosafelego, gomme seo ke Bophelo bja Modimo Mong ka go wena. Le a bona? Gona o na le Bophelo bjo Bosafelego, gobane ke Yena Bokagosafelego bo lego gona bo nnoši. Gomme re ditholwanakgopolo tša dikgopolo tša Gagwe, pele ebile go ka ba le motheo wa lefase goba e ka ba eng. Tšohle tše e no ba mogopolo wa Gagwe, gomme re pealatšo ya dikgopolo tša Gagwe tša seo a lego.

³⁹ Gomme O be a swanetše go tla fase gore a tloše sebe. Ga go yo mongwe gape a ka go e dira. Go be go se ne le o tee a nago le maswanedi go e dira. Ga go na yo mongwe a ka go e dira eupša Yena, gomme O e dirile. Gomme gona ge Bophelo bjola bo lokolotšwe go tšwa mmeleng wola, Motho, yo a bego a le Morwa wa Modimo; maatla a go hlola a Gagwe a dirile moago, go swana le rakontraka yo itšego, o agile moago woo A tsenego ka go ona, Yenamong. Modimo o dirile seo.

⁴⁰ Gomme gona ge bophelo bjola bo tšwerwe, Madi, khemisetri ya Ona, a tšholletšwe ntle godimo ga mobu, feela go swana le a Abele a tšholletšwe ntle godimo ga mobu. Eupša go tšwa go Madi ale go tlile Moya wo Mokgethwa wa Modimo, gomme woo o rometšwe go motho ka Letšatši la Pentecost, go tswalanywa

le Sehlabelo seo se ba hwetšego. Ga go na tsela ye nngwe mo lefaseng re ka e hwetšago. Seka sa nepagalo!

⁴¹ Lebelela, ge o be o na le molato wa lehu, gomme o tsebile o be o eya go setulo sa mohlagase. Gomme elelwa, go gana . . .

⁴² Dallas, theetša! Go gana Madi a Jesu Kriste, Seka sa Madi a Gagwe, ge o A bona gomme wa A gana, o ya go lebana le Kahlolo ka Madi a Gagwe mo diatleng tša gago. Modiradibe, moleloko wa kereke, elelwa seo.

⁴³ Go be go ka reng ge nka be Lee Oswald a ka be a ka kgona, ona matsatši a se makae, gomme sona sethogothono sela pele ga Kgorotsheko Kgolo yela yeo a ilego a swanela go e lebanya; le go tseba, go tšwa go bolaeng Mopresitente, go be ebile go ka se be le ntlhasana ya kgaogelo, ka fao monna yola a swanetšego go ba a kwele! E swanetše go ba e bile ka go selo sa go šiiša. Ga se nke a hwetše go se lebanya, gobane moisa yo mongwe o mo thuntše. Eupša nagana ka go ema fale pele ga Kgorotsheko Kgolo ya go befelwa, ka madi a motho wa geno mo seatleng sa gago, Mopresitente wa United States! Seo e tla ba selo sa magareng, go lena batho le fetago hleng le Madi a Jesu Kriste, ge le tla be le eme hleng le dikgorotsheko tša Modimo. E tšwa sethogothono ntle ge o tseba. Oswald o be a ka se dire bontši go feta go tlogela bophelo bjo bakeng sa gagwe, eupša Modimo o go tloša Gosafelego go tloga Bogoneng bja Gagwe. E tla ba selo sa go šiiša. Hlokomela.

⁴⁴ Ge e ba o swanetše go tla go dikgorotsheko, ka go ba molato, o tla nyaka moemedi yo mokaonekaone o ka go mo hwetša. Mang le mang a ka dira seo.

⁴⁵ Gomme motho yo mongwe le yo mongwe yo a tswetšwego mo lefaseng, ga ke tshwenyege o tšwa lapeng la go loka bjang, o na le molato wa Madi a Jesu Kriste go fihla a amogetše tshwarelo ya ona. Gomme tsela e nnoši yeo o tsebago tshwarelo e lokile, ge Seka se ipea ka Bosona godimo ga gago, gomme o na le Seka.

⁴⁶ Hlokomela, o na le molato, gomme o tla tsoma ramolao yo mokaonekaone o ka go mo hwetša go bobola molato wa gago. Gomme ge nka be ke eya Kahlolong ya Modimo, ga ke nyake moprista, ga ke nyake motho; ke nyaka ramolao yo kaonekaone nka go mo hwetša go bobola molato wa ka.

⁴⁷ A nke ke bolele go se, go lena, mogwera wa ka wa Mokriste. Ramolao wa rena gape ke moahlodi wa rena, gomme moahlodi wa rena—wa rena o ba ramolao wa rena. Molato o fedišitšwe ge re amogela tshwarelo ya Gagwe. Moahlodi Yenamong o tllile fase gomme a ba ramolao wa rena, gomme ramolao le moahlodi ke Motho wa go swana. Modimo o ba motho, gore A lokafatše motho ka lehu la Gagwe Mong leo A le beilego godimo ga gagwe. Haleluya! Yeo e ra go re, tumišang Modimo wa rena! O swanetše ke ditumišo tšohle. Moahlodi wa rena le ramolao wa rena ke Motho wa go swana.

48 Moya wo Mokgethwa ke Seka gore re swaretšwe. Molato o tswaletšwe. Go monna le mosadi yo mongwe le yo mongwe yoo ka therešo a amogetšego kolobetšo ya Moya wo Mokgethwa, o ile a lekwa, o tswalantšwe le ramolao wa gagwe, le moahlodi wa gagwe, le sehlabelo sa gagwe, gomme Seka a se swerego lefeng la gagwe se bontšha gore leeto la gagwe le lefetšwe go ya Letagong. Amene. Go fedile go fedile. O swere Seka sela. Ke sa gagwe, kolobetšo ya Moya wo Mokgethwa, yeo e lego hlatse ya tso go ya Jesu. Amene. A le a e dumela? [Phuthego e re, “Amene.”—Mor.] Bjoo ke boitsebišo bja gago, o swere Seka.

49 Bjale ge o se na Seka seo, o ka se tle ka gare. O swanetše go ba le Seka. Yeo ke boleng bo nyakegago, “Ge Ke bona madi, madi ke seka. Ge Ke bona madi, ke tla feta godimo ga lena.” O swanetše go ba le Seka. Ge o sa dire, gobaneng, o ka se sepele. O swanetše go ba le Seka.

50 Ge seka se be se sa pealatšwa, seka se se sa bontšhwa tlase fale, e bile le kgwerano e be e sa šome. O re, “Gabotse, bjale, Ngwanešu Branham, bjale ema feela motsotso.” Yeo ke nnete tlwa.

51 Seka se be se le ka godimo ga kgwerano. Ka gore Israele e bile le kgwerano go bolotšwa, gomme Mojuda e ka ba ofe o be a ka kgona go ya ntle le go bontšha motho e ka ba ofe, “Nka go netefaletša ke boloditšwe, ke nna Mojuda, ke boloditšwe go ya ka taelo ya Jehofa,” eupša go le bjalo seo se be se sa mo rake ge seka se be se se fao gape. O swanetše go pealatša seka. Le a e hwetša? [Phuthego e re, “Amene.”—Mor.] O . . . Seka se swanetše go ba fao, go le bjang. Gomme ge o le ka go kgwerano . . . Ge Mojuda e ka ba ofe a ka re, “Ga ke bee madi mo mojakong wa ka, nka netefatša gore ke Mojuda wa kgwerano,” Morongwa wa lehu o mo swere. Ga go tshwenyege ka fao a bego a botega, ka fao a bego a le moleloko wa kereke kudu, ka fao a lefelago karolo ya lesome kudu, ka fao a rilego o dumetše Jehofa; Jehofa o nyakile seka sela.

52 Gomme O a e dira lehono, le gona. E swanetše go ba. E swanetše go ba, “Ka gore ga go na tsela ye nngwe ka tlase ga Legodimo, ga go leina le lengwe le filwego ka tsela e itšego,” ga go tshwenyege ka fao a lokilego, ka fao a botegago. Seka sela se swanetše go ba fale, le go pealatšwa.

53 “Madi,” o re, “gabotse, ke bolaile kwana gomme ke a beile ka sebjaneng. Ke a beile morago fale.” Seo ga se se A se boletšego. A swanetše go ba godimo ga lentlele le godimo ga lefelo la monyako. A swanetše go pealatšwa.

54 Gomme bophelo bja gago bo swanetše go pealatša Seka se ka go wena. Oo, lena Mapentacostal, phošo ke eng ka lena? Moriri wa go kerwa, difahlego tša go pentwa, monna, metlae ya ditšhila le dilo, ke kae seo se pealatša Madi a Morena Jesu Kriste wa ka ke Seka sa Moya wo Mokgethwa? Lena, le na le sebopego

sa bomodimo, gomme le bitša “boloi” le se sengwe le se sengwe gape, mediro ya Modimo, “boloi.” Le pealatša seka bjang?

55 Ba re, “Ke nna Mopente- . . .” Ga ke tshwenyege seo o lego. “Ke nna Mobaptist. Ke nna Mopres- . . .” Ga ke tshwenyege seo o lego. Seka sela se swanetše go ba fale. Modimo o a Se nyaka, gomme e sego se sengwe gape eupša sela.

56 O re, “Gabotse, ke na le ya ngaka.” Ga ke tshwenyege ke digrata tše dintši bjang o nago le tšona. Modimo o nyaka Seka sela, gomme Sela feela. Ke leswao gore tsela ya gago e lefetšwe. Ga a ye go tšea ditshwanelo tša gago goba selo se sengwe gape. O swanetše go ba le Seka sela.

57 Mootledi wa pese o re, “Fa, ema motsotso, seo ga se seka sa ka.”

58 Monna wa sefofane o re, “Gabotse, o tšwela ntle fale bjale.” Thekethe ke seka. O tšwela ntle fale gomme wa botša mofofiši, “Sese, ke nyaka go tsena go sefofane sa gago. Ke bokae?”

“Eya ka gare gomme o hwetše seka sa gago.”

“Oo, ke tla go lefa.”

59 “Nka se e tšee. O ka se tsene go sefofane sa ka go fihlela o eya go lefela boleng gomme o hwetše seka. Ke lebeleletše seka.”

O re, “Gabotse, ke ile sekolong. Ke dirile *se*. Ke . . .”

60 Ga ke tshwenyege seo o se dirilego, o swanetše go ba le Seka goba ga o tsene godimo. Amene le amene. Ga le kgone go e bona? Modimo o nyaka Seka sela. “Ge ke bona madi, gomme feela ke tla feta godimo ga lena ge ke bona seka.”

61 Se be se se sa pealatšwa, kgwerano e be e bile e sa šome. Mojuda ka phethagalo o be a ka bolela le go netefatša ka boyena go ba Mojuda wa go bo—bo bolotšwa, o be a ka tšea baena ntle le go re, “Lebelelang fa, ke boloditšwe.” Seo se be se sa re selo se setee.

62 O re, “Ke nna Momethodist. Ke nna Mobaptist. Ke nna Mopentacostal. Ke nna *se*. Ke nna *sela*.” Seo ga se re selo se se setee.

63 O swanetše go ba le Seka. Gomme ge Seka se etla, Se paka ka Kriste. O rile Se tla dira. Gomme Kriste ke Lentšu. Gomme o kgona bjang go gana gore Beibele ke therešo, karolo ya Yona, gomme o sa re o na le Seka, mola Seka e le bopaki bja Jesu Kriste? Le a bona, fao ke se ke makalago.

64 “Oo,” o re, “ga ke dumele, ke dumela matšatši a mehlolo . . .” Oo, lebelela ntle, ga go ne Seka fale. Seka se fetša Lentšu le lengwe le le lengwe ka “amene,” se sengwe le se sengwe, gobane ke Modimo ka Bosona. Le a bona? Go lokile.

65 Eupša ge seka se be se se fao, kgwerano e be e sa šome. E be e fedišitšwe. Go swana bjale! Ga go tshwenyege o bolela bontši bjang—bjang, o ka bolela bontši bjang, “Ke dumela Lentšu le

lengwe le le lengwe ka Beibeleng,” o re, “Ngwanešu Branham, nka—nka go tsopelela seripa sa Beibele yeo, Beibele ka moka, ka pelo. Ke dumela nthatana ye nngwe le ye nngwe ya Yona.” Yeo e lokile. Sathane o a dira, le yena. Uh-huh. Go tšea Seka!

66 “Gabotse, Ngwanešu Branham, ke na le leboto la ka le tletše digrata. Ke nna Petšhula ya Bokgabo, gomme ke na le grata ya bongaka, le LLD. ya Latin. Gomme, oo, ke ngwadile dipuku. Ke dirile se. Ke dirile se sengwe le se sengwe. Ke—ke dirile dilo tše tšohle.” Ga ke tshwenyega. Yeo e lokile, eupša go le bjalo o swanetše o be le Seka. Seka, Seka se sa nyakega!

67 O re, “Ke morutwana wa Beibele. Ke nna—ke nna motho wa go loka. Ke nna *se, sela*.” Seo se ka no ba botse, seo ka moka se lokile, eupša e sa swanetše go ba le Seka!

68 Bjale, lehu le be le loketše go ratha Egepeta ka nako efe kapa efe, gomme kafao lehu le loketše go ratha setšhaba bjale ka nako efe kapa efe.

69 Anna Jeanne, ke kwa se sengwe go swana le papago, o boletše polelo nako ye nngwe. Ka mehla ke ratile yeo. O rile, “O a tseba, setšhaba se, ka dibe tša go swana, ge Modimo a dumelela Amerika go ya pele ka se a se dirago, O tla tlamega ka boitshwaro go tsoša Sodoma le Gomora godimo le go ba kgopela tshwarelo, go ba tšhumeng.” Gomme yeo ke nnete.

70 Elelwang, Israele e lefetše sebe se sengwe le se sengwe e se dirilego, gomme kafao re tla dira. Re hlephišitše ga kaakang? Tiišetša godimo dibetša! Etlang morago go Modimo, kereke! E se go bolela dilo tše go fapana. Ke le botša bjalo ka tshebotšo. Le a dumela!

71 Lehu le be le loketše go ratha. Modimo o be a ba bontšhitše mogau wa Gagwe le kgaogelo ya Gagwe, ka maatla le maswao le matete (kafao O dirile lehono pele a tšea Kereke ka ntle), go le bjalo ga ba dume go sokologa le go dumela molaetša.

72 Le a bona, go bile le molaetša feela pele go tšeelwa ntle ga kereke. Fao ka mehla go tla ba. Go swana bjale. Tiragalo ye nngwe le ye nngwe ya semoya ke leswao go tšwa go Modimo. Le dumela seo? [Phuthego e re, “Amene.”—Mor.] Go swana le Molaetša, go na le leswao gomme morago Molaetša o latela leswao. Modimo o boditše Moshe, o rile, “Ge ba ka se dumele lentšu la leswao la pele, mohlomongwe ba tla dumela lentšu la leswao la bobedi.”

73 Bjale, ge le bona maswao a eya pele, gomme go se molaetša morago ga lona, feela sekolo sa kgale sa go swana sa thutamodimo le pele fase, leo le be le sa tšwe go Modimo. Eupša fao go nago le leswao le bontšhitšwe, Molaetša o a le latela. Bjale lebelelang. Jesu o tla mo tiragalong. . .

74 A ke le thiba ditsebe? Goba e ka ba mang a lego go segodišantšu se fa, go kwagala e ke e tla morago. Mohlomongwe e kwagala kudu gannyane. Ke nyaka go e hwetša.

75 Ge Jesu a tlile mo tiragalong, ga se nke A bohole bontši kudu go batho, yo mongwe le yo mongwe o Mo nyakile ka kerekeng ya gagwe. “Oo, Moprofeta yo yo monnyane, re no ba re thabile bjang go ba le Yena.” O be a fodiša balwetši. “Oo, letago go Modimo. Modimo o tsošitše godimo Monna yo mogolo magareng ga rena.” Yeo e be e lokile. Kafao letšatši le lengwe go tlile lefelong go fao. . . Leo e be e le leswao la Gagwe.

76 Isaya 35 e rile e tla ba leswao. “Dihlotša di tla taboga go swana le tshepe,” le go ya pele, “difofu di tla bona.” E be e le leswao.

77 O pealaditše leswao la Gagwe bjalo ka Mesia, le go ya pele. Gomme bona, bontši bja bona, ba rile, “Ee, nka ya bakeng sa yeo.” Gabotse, bjale, ge leo le be le le leswao, go swanetše go be le lentšu la leswao leo. Lentšu morago ga lona e be e le eng? Ge A thoma go ruta thuto ya Gagwe le go ba bitša sehlopha sa dinoga mo bjanyeng. O be a se sa ba go tuma nako yeo go ya pele, le a bona, ge lentšu le tlile le leswao. Leswao le ile pele.

78 Moshe o ile tlase ka Egepeta ka leswao. Gomme o lahletše fase lepara la gagwe, la fetoga sephente. Leo e be e le leswao. Eupša morago ga sebaka, lentšu le tlile le leswao. Gona e bile go fapana. Le a bona, ga ba nyake leo. Le—le lentšu, le swanetše go, latela leswao. Gomme ga go na nako ye nngwe e ka tsogego ya swanela go tla eupša nako yeo, gobane e be e le nako go Mangwalo go phethagatšwa. Lebelelang seo A mmoditšego, ka sethokgweng sa go tuka, “Ke bone metsetlo le go kwa bona ba batho ba Ka, le go bona ditlaišo tša bona ke bagapeletši ba Egepeta, gomme ke eletšwe tshepišo ya Ka yeo Ke e diretšego Abraham.” Makgolo a mane a mengwaga a be a fedile, gomme O boditše Abraham ba tla be ba le tlase fale. Le a bona, ga go nako ye nngwe e ka bego e ka ba. Moshe o be a swanetše go tla feela ka nako yeo.

79 Sešupanako se segolo sa Modimo se betha go phethagala. E ka se kitime motsotso o tee ka lebelo goba motsotso o tee morago. E tla ba feela tlwa mo nakong. Gabotse, kafao, le a bona, se sengwe le se sengwe se be se kitima feela gabotse, go ka se tle ka dinako tše dingwe.

80 Le dilo tše di ka se tle ka dinako tše dingwe. Se se ka be se se sa tla mo matšatšing a Luther. Se be se ka se tle mo matšatšing a Wesley. Matšatšing a Mabaptist goba Mamethodist, mo matšatšing a bona, e be e ka se tle. E swanetše e tle bjale. Israele e swanetše e be setšhaba. Dikereke di swanetše go ba bjalo ka ge di le bjale. Go swanetše go be le molaetša wa boraro, lebaka la boraro la kereke. Go swanetše go be le Laodikea. E ka se bopege go fihlela Pentecost e etla le go felelwa, le go ya ntle

le go kगतlofala, le go dira se ba se dirilego. Gona e swanetše go tla, morago go tla Morena, ge ba Mmeile ka ntle ga kereke. Yena ke Lentšu.

⁸¹ Ba boifa go hlohla Lentšu leo kae kapa kae. Ba homola kudu ka Lona, eupša go le bjalo ba gogagogana ka lona.

⁸² Chicago, fa e se kgale botelele, ge Morena a mphile pono. Ke bile le badiredi ba makgolo tharo tlase fale. Ke rile, “Bjale ke tseba se le. . . Mabapi le peu ya sephente, le go ya pele,” ke rile, “yo mongwe wa lena a tšee Beibele ya lena gomme a tle go ema hleng le lehlakore la ka gomme a e phegiše.” Sehlopha sa go homolahomodi o kilego wa ke wa se kwa. Ke rile, “Gona tlogang morago ga ka.” Le a bona, e tšwa go sekolo sa bona sa go nagana.

⁸³ Efela, ba re, “Ngwanešu Branham ke moprofeta ge a tlotitšwe, eupša ge tlotšo e tlogile go yena, oo, ga ke tsebe.” A. . . Ge seo e se leswao la mo-mo-mo-mo moithutamodimo wa go hlakahlakana! Yona. . .

⁸⁴ Lentšu le *moprofeta* le ra “moutolli yo Mokgethwa wa Lentšu.” Lentšu la Morena le tla go baprofeta. Ke ka fao Jesu a tsebagaditšwego. Gomme ba rile morago ga tsogo, ba rile, “Re a tseba O be a le moprofeta wa Modimo, le a bona, ga go motho a ka dirago dilo tše ntle ga ge Modimo a na le yena,” ka morago ba se amogele molaetša wa Gagwe. Ba be ba sa amogele Johane, gomme o be a le moprofeta. Ga se ba amogela Eliya, le o tee wa bona ka moka, gomme ba bile le kutollo ye Kgethwa.

⁸⁵ Lentšu, lentšu la Seisemane, *moprofeta*, mantšu a Seisemane a ka ra eng kapa eng, le ra go re “moreri.” Eupša ge o re *moprofeta*, wa Beibele ya kgale, le be le e ra “mmoni.” Gomme ditshwanelo tša gagwe e bile, gore, seo a se boletšego se diregile, gomme leo e bile leswao gore o be a le moprofeta; yena gape yoo o be a le leswao gore o bile le kutollo ye Kgethwa ya Lentšu le le ngwadilwego. Gomme gona Modimo o e tišeditše, morago ga gagwe, o e netefaditše.

⁸⁶ Bjang? Gabotse, e swanetše go no ba ka tsela ye, yeo ke ka moka. Ga go na tsela ya go tla go e rarela. Modimo o boletše e tla ba ka tsela yeo, gomme ke lena fao. Eupša sesele se gona lehono, le a bona, Seka sela se swanetše go ba fale, seo se tsebagatšago Lentšu le go le dira therešo tlwa. Gona ka fao A tshepišitšego, ka fao A lokišeditšego bohle batho ba Gagwe ba go tshepišwa naga, bjale, ge A be a ile go ba le khudugo ye, e bego e le sekai.

⁸⁷ Bjale ke ya go leka go tšwa ka go e ka ba ye mengwe ye lesometlhano, masomepedi metsotso, ka Molaetša. Lemogang kgauswi bjale, ke nyaka le hwetše se, gobane nka no se tsoge ke le bona gape, le a bona.

Hlokomelang, bjale šetšang ka fao A lokišeditšego batho ba Gagwe.

⁸⁸ Ke ba bakae ba tsebago gore ga nke A fetola ditsela tša Gagwe? Ga nke A dira. [Phuthego e re, “Amene.”—Mor.] O a . . . bjale lebelelang ka Beibele gomme le bone ge e ba O kile a e fetola. Aowa, mohlomphegi.

⁸⁹ O lokišitše batho bjang? Sa pele, O rometše moprofeta ka leswao, e bego e le Moshe. A yeo ke nnete? [Phuthego e re, “Amene.”—Mor.] Gomme leswao le bile le molaetša, molaetša go “itokiša,” ba be ba eya ka ntle go ya nageng yeo e tshepišitšwego. Gona O bile le boitsebišo, bja moprofeta wa gagwe, gore Seetša se bile godimo ga bogodimo bja gagwe. Pilara ya Mollo e latetše moprofeta yo, re tseba seo, e ile go kgabola lešoka le Moshe. Re lemoga seo. Gomme gona O ba file seka bakeng sa tiišetšo gore ba be ba se ba swanela go tšhoga, gohle go nyamišwa le go roromela; fao A rilego, “Ge ke bona seka seo, Ke tla feta godimo ga lena.”

⁹⁰ Šetšang ka fao A dirilego bjale. O lokišitše sa pele leswao, motseta, molaetša o tsebagaditšwego, boitsebišo bja motseta, le seka bakeng sa tiišetšo gore tsela e be e lefetšwe. Ba lebile go naga ya tshepišo.

⁹¹ Selo sa go swana O se dirile lehono! Ke eng A e dirilego? O re rometše Moya wo Mokgethwa. Moya wo Mokgethwa ke Motseta, gomme boitsebišo bja Lengwalo bja Yenamong bo tsebagatša Yena magareng ga rena, wa go swana maabane, lehono, le go ya go ile. Gomme Seka ke tiišetšo. Ke eng re e tšhogago? Leeto la rena šetše le lefetšwe gomme re tswalantšwe le Sehlabelo sa rena. A ka se go gane. O tshepišitše seo. Re tsebagaditšwe.

⁹² Israele e etšwa ka ntle ga Egepete, bjalo ka ge ke boletše, e bjalo ka mo—mo Monyalwa a etšwa ka ntle ga kereke. Ge Moshe a thoma bodiredi bja gagwe, Israele yohle e kgobokane mmogo ka Gosene, bakeng sa go rapela le thapelo, tlwa, go tla go tšwa go mathoko ohle a Egepete. Yeo ke tsela Monyalwa a tla dirago, o tla tšwa ntle ga bohle ba Maoneness, Matwoneess, Mathreeness, le mehuta ye mengwe yohle. O tla tšwa ntle. Go swanetše go ba. Bjale re bala fa go Bahebere. . . . Rena bjale, selo sa pele re swanetšego go nagana ka, tšwang go tloga go mathoko ohle, “Tšwang ntle go tloga magareng ga gosedumele.” Bjale Moya wo Mokgethwa o tshepišitše go bitša yoo mo matšatšing a bofelo, “Tšwang ntle go tloga magareng ga basedumele.” Hlokomelang.

⁹³ Re hwetša go Bahebere 10:26, ke e swere e ngwadilwe fa, e bolela se, “Ge re dira sebe ka boomo ka morago ga ge re amogetše tsebo ya Therešo, ga go sa na gape sehlabelo bakeng sa sebe,” le a bona, ge o sa dumele ka boomo.

⁹⁴ Bjale ge le ka hlokomela, se nka se bolelago fa, ge le ka mpha sebaka go fihla ke dira tshwantšho yeo. Ke kgona go kwa ka Moyeng, ga se e ye godimo gabotse. Le a bona? Hlokomelang.

⁹⁵ Šeba ke Bahebere, ba mo tseleng ya bona go tšwa. Modimo o hlaotše monna ba lesomepedi, goba Moshe o dirile, ka seatla sa Modimo, go ya kua le go hlola naga; le go bowa morago, go

tliša morago seka sa naga. Gomme ge ba fihlile fale, ba lesome ba bona ba be ba tšhogile wa go hwa. “Gobaneng,” ba rile, “bona Baamaleke godimo fale, re bonala e ke re ditšie go bona.” Joshua le Kalebe ba tla morago, ba tliša bohlatse, “Re ka e dira!”

⁹⁶ Le a bona, bao ke badumedi ba mollwaneng. Ba tla go kgabola dielemente tše tša go fapana, le go kgabola kereke, le go tšoenala kereke, le dikolobetšo le dibopego. Eupša ge go etla thwi godimo go putla godimo go hwetša Seka, bohlatse gore Naga e gona, Bophelo bjala. . . Jesu Kriste ga se a hwa. Ke sekgao se sengwe. O phela ka go sona. O na le le rena, O ka go rena bjale. Ge go etla go seo, “aa,” ga ba kgone go dumela seo. Seo e bile bontši go bona, le a bona. Gomme ba tla morago, gomme bona, yo mongwe le yo mongwe, o hwetše lešokeng, ga go yo motee wa bona a ilego ka kua. Gomme, le a bona, ge re sa dumele, rena Mamethodist, Mabaptist, Mapresbyterian!

⁹⁷ Ke a holofela morutiši wa ka wa kgale o dutše fa lehono. Ngaka Roy E. Davis, bontši bja lena le a mo tseba, thwi fa ka Fort Worth, mohlomongwe o dutše ka fa. Ke elelwa re ahlaahla dilo tše, ye mentši, ye mentši mengwaga go feta. O nkolobeditše mo tumelong, kereke ya Boromiwa ya Baptist.

⁹⁸ Gomme bonang, ka fa, bjale, ge re. . . ge—ge re etla godimo go Naga ya mollwane, o re, “Gabotse, letago go Modimo, ke boletše ka maleme, haleluya.” Yeo ga se yona. Ge o ka re, go se dumele e ka ba lefe la Lentšu, go na le se sengwe se fošagetšego ka boitemogelo bja gago. Le a bona?

⁹⁹ O tla thwi godimo go Naga le go bona e gona. O bona gore Jesu o tsogile. O magareng ga rena. O kwa Lentšu leo le latelago molaetša, gomme go le bjalo ga o Le dumele, o a tseba go direga eng? Nako yela ba hwetše thwi ka lešokeng. “Ge re dira sebe ka boomo ka morago ga ge re amogetše tsebo ya Therešo, ga go sa na sehlabelo sebakeng sa sebe.” Seo ke se Puku ya Bahebere e re botšago.

¹⁰⁰ Gomme bjale šetšang, bjalo ka ge re bona maswao a magolo a nako ya bofelo mo lefaseng, ao a A tshepišitšego, ke ga kaakang bontši a re sebotšago gore nako e batametše. Tlogela go se dumele. Etlang mmogo. Re swanetše go ratana le go dumela, gomme re ikaroganye ka borena go tloga go lefase.

¹⁰¹ Hlokomelang, ba be ba se no tla mmogo le go bolela ka molaetša. Ba be ba swanetše go tsena ka go wona, tsena ka tlase ga madi. E sego go tla go re, “Le a tseba, Moshe o re boditše. Motseta, o rile, o re boditše gore re swanetše re be le madi. Le nagana eng ka sona, bašemane?” Seo e be e se sona. Hwetša kwana e bolawe, gomme o bee madi godimo fale!

¹⁰² Re ka tla le go dula le go kwana le Lentšu, le se sengwe le se sengwe gape, eupša go se be le Seka sela, ke botse bofe e re direlago? Ga go botse. Tsena ka tlase ga Sona. O be a se na maikarabelo go mang le mang ka ntle go tloga ka tlase ga madi

ale. Gomme ga A na maikarabelo go e ka ba mang, lehono, ntle go tloga ka tlase ga Seka.

103 Lapa ka moka, le bolokegile feela ge ba be ba le ka tlase ga seka, gomme seka se be se pealadišwe. Lapa ka mokamoka! A le dumela seo? [Phuthego e re, "Amene."—Mor.] Lehono re swanetše go elelwa seo, batho. Bana ba rena!

104 Gomme ditsiebadimo tše tša mahlalagading le go tšokotša le go pshikologa, le dilo re yago go di kgabola, le tšohle tše Beatles le dikhunkhwane, gomme a le a tseba gore tšohle di emetšwe fa ka Pukung, ya Beibele? E bolela seo go Kutollo. Ka kgonthe, e a dira. Ka fao batho, bona, bona ba—bona ba . . . bona, bona, le a bona, bona, bona ga ba . . . Bona ba hwile. Ba ka se tsoge. Ga se nke ba ba ba Bosafelego. Bona ebile ba be ba se ka Monaganong, kafao ba tla senyega. Ba tla fedišwa go ya go ile, go senywamoka ka go felela. Ba tla otlwa go nako e sa balwego, bakeng sa seo ba se dirilego, eupša se sengwe le se sengwe se nago le mathomo se na le mafetšo.

105 Ke tšeo tšeo di se nago mathomo, ga di na mafelelo. Go na le sebopego se setee sa Bophelo bjo Bosafelego. Sebopego se setee sa Bophelo bjo Bosafelego, re phegelela bakeng sa bjo. Hlokomelang.

106 Joshua, tema ya 2 ya Joshua, seotswa sa go dumela sa Montle se be se kwele, gomme lapa la gabo, le go ba tliša ka tlase ga thapo le lehubedu, leo e bego e le seka go tšwa go batseta ba Joshua. Morongwa wa go senya wa Modimo o hlomphile seka seo, gomme seo se nnoši, ka toropongkolo yeo. Fao go be go le senyakwa sa Modimo, ka bahlanka ba Gagwe, gore Modimo o be a nyakile seka se, gomme seo e be e le se nnoši. Ga ke tshwenyege ge e ba e be e le ratoropo wa toropo, ge e ba e be e le monna yo mokgethwakgethwa mo toropong, ge ba ile ka go kereke ye kgolokgolo ka toropong, se sengwe le se sengwe mo toropongkolo se wele eupša ngwako wola. Modimo, a nnoši, o hlomphile seka sela.

107 Hlokomelang, Jeriko e be e kwele gore Modimo o be a dira dilo tše kgolo, eupša ga se ba ke ba ela hloko go tshebotšo.

108 Go bjalo ka batho lehono go kweng se Modimo a bego a se dira go mengwaga e se mekae ya go feta, eupša ba ka se tšee šedi go yona. Maatla a a magolo a mogau le maswao, go swana A tshepišitše, "bjalo ka ge go bile matšatšing a Sodoma, go tla ba bjalo." Ka fao A tshepišitšego selo seo se tla ba! Šetšang se se diregilego ka Sodoma. Ellelwang, go be go le leswao la Sodoma. Eupša motseta, wa Maleaki 4, ke wa go "tliša dipelo tša batho morago go botate, botate ba pentacostal, morago go Beibele." Go ka se be le Beibele gape, se sengwe gape. Ye ke kutollo ka moka ya Modimo.

109 Gomme yo mongwe o re, "Gabotse, ke dumela karolo *ye*, ga ke tsebe ka Yeo."

110 Motseta wa kgonthe wa Modimo o go fetolela morago go Selo ka moka! Le a bona? Hlokomelang, seo ke se Moya wo Mokgethwa o se dirago, go go tliša morago go Lentšu le lengwe le le lengwe la Modimo.

111 Mogau wa gagwe o šetše o bontšhitšwe, kahlolo ya Gagwe e be e le ya go latela. Ba swanetše go be ba dumetše gore ba be ba bolokegile ka go meago ya bona ya dikereke tša maina tše kgolo ba bilego le tšona fale ka Jeriko, eupša ba hweditše e be e sa šome.

112 Go swanetše go ba go bile le ba bangwe ba . . . mohlomongwe ba tlile ka fale ka tsela ye nngwe, go be go na le bašemane go se kae ba tsenego ka fale, gomme ba boditšwe go tliša mmogo peu ka moka e kgethetšwegopele. Gomme o hweditše . . . gomme o dirišitše ngwako wa gagwe bakeng sa kereke, le go amogela batseta; gomme a tliša bohle ka toropongkgolo ya gabo, bao ba ka dumelago, ka tlase ga seka.

113 Mosadi o tee ka gare ga ekonomi yela ye kgolo ka moka! Mosadi o tee yo monnyane, gomme yena wa tumo ye mpe, mohlomongwe a kgaotšwe go tšwa kerekeng ye nngwe le ye nngwe ka toropongkgolo, eupša o dumetše motseta yola. Gomme motseta yola o šiile seka, leswao, gomme Modimo o hlomphile seka. Go bjalo lehono. E no elelwang, ge bogale bja Modimo bja go senya bjola bo etla, tshepedišo yela ye kgolo e wele, seka se bolokile lapa le bolokegile. E sego gobane o be a le mosadi wa go loka; gobane o be a na le tumelo le go šomiša seka.

114 Bjale go ka reng ge nka be a rile, “Ya, bona ba be ba le monna yo mokaone, ka kgonthe ke ipshinne ka molaetša ba o filego. Eupša, go botega, e kwagala mohuta wa botlaela go ba le thapo leo le lekeletše ntle ga lefasetere la ka. Ke tla no e gogela ka gare.” E ka be e wetše. E ka be e wetše. Modimo o hlompha feela seka, go swana le bophelo seka se le ka Egepeta.

115 Joshua o be a le sekai sa Jesu, gobane *Joshua* go ra gore “Jehofa-mophološi.” O be a le sekai sa Jesu, o be a le therešo go seka leswao la motseta wa gagwe a rerilego. Joshua o dutše therešo go seka leswao sela. Bohle ka tlase ga sona ba phološitšwe, ka Egepeta. Bohle ka tlase ga sona ba phološitšwe, ka Jeriko.

116 Madi a Kwana ke sekai lehono sa Seka, gore Moya wo Mokgethwa ke Seka sa lehono. Bohle ka tlase ga Sona ba bolokegile. Bohle ntle go tloga ka tlase ga Sona ga se a bolokege. Ka go Baheberere 13:10 le 20, O bitšwa “kgwerano ya go sa felego.” Kgwerano ya kgale e bile selo se tee, ye ke ye Mpsha, ye ke “kgwerano ya go sa felego.”

117 Modimo, ditshepišo tša Madi matlengwa a Modimo, di re dira re lokologe go tloga go sebe le dihlong, gomme go fapana go tloga go bohle ba lefase. Ga wa swanela go apara go fapana; mang kapa mang a ka apara go fapana. O swanetše go ba, ka

bogareng, go fapana. Bophelo bo ka bogareng; e sego diaparong, go apareng. “Mmušo wa Modimo ga se sejo le seno, goba go apara ga diaparo; eupša ke kgotlelelo, go loka, bonolo, go se felepelo, go Moya wo Mokgethwa.”

¹¹⁸ Bjale, ditshepišo di dira go lokologa go tloga go sebe, go bontšha gore Modimo ga se a—ga se a lemoga sebe sa gago. Dafida o rile, “Wa lehlogonolo ke monna yo Modimo a sa mmalelego sebe.” Gomme Modimo a ka se tsoge a badile sebe godimo ga Seka sela, gobane Seka ke leswao le lefeletšwego leo Modimo a šetšego a le amogetše. Gomme o na le seka go sona, bol- . . . tumelo ya gago e e rekile. Gomme o na le boleng bja tefelo ya topollo ya gago mo mmeleng wa gago, go Mo rapela le go bontšha pele ditshepišo le maatla a Gagwe.

¹¹⁹ *Testamente ye Mpsa* e ra go re “kgwerano ye mpsha.” *Madi* a ra go re “Bophelo.” *Testamente ye Mpsa* ke testamente ya Moya wo Mokgethwa, Moya wo Mokgethwa o e fa bopaki bja se Jesu Kriste a se tsogetšego go tšwa bahung, go bontšha Jesu o swanetše senyakwa se sengwe le se sengwe bakeng sa rena, gomme o a phela lehono. Seka se netefatša O a phela go itswalanya Yenamong le rena, go ya ka tshepišo ya Gagwe. Bjale monna a ka bala Beibele bjang le go bona gore O o tshepišitše, le go bona Kriste a bowa mo matsatšing a a mafelelo ka sebopego sa Moya wo Mokgethwa le go itsebiša Yenamong go phela? Seo ke Seka. Leo ke leswao. Yeo ke boleng bo lefetšwe.

¹²⁰ O se ke, o se tsoge wa ithekga ka maikutlo a itšego. “Ke kwele moya wa go tonya o kitima mokokotlong wa ka. Gomme—gomme ke—ke nkegetše se sengwe; ke bone madi a itšego ka diatleng tša ka, goba oli e itšego. Goba—goba, ke thophile Grata ya ka ya Petšhula. Goba, ke binne ka Moya. Ke goeleditše. Ke boletše ka maleme.” Tšona dilo di ka no ba di lokile. Ga ke na selo kgahlanong le tšona, eupša seo ga se se ke bolelago ka sona.

¹²¹ Ke bolela ka boitsebišo bja Seka, Jesu Kriste, a tsogile le ka go rena bjale, a itsebiša Yenamong, go hlatsetša gape Lentšu la Gagwe la tshepišo ya letšatši le. Amene. Gona wena le Kriste le batee. Modimo le Kriste ke batee. “Letšatši leo, le tla tseba gore Nna ke ka go Tate, Tate o ka go Nna; Nna ka go lena, gomme lena ka go Nna.” Fao ke Modimo a bonagaditšwe ka nameng ya motho, a ipontšha Yenamong go phela, ka morago ga mengwaga ye dikete tše pedi. Seo ke Seka.

¹²² Ge e ba le se ka gare, tsenang ka gare ka potlako ka kgonthe, bagwera. E ka no diragala go be thari kudu. Ga re tsebe.

¹²³ Bonagatša pele Bogona bja Gagwe, *Testamente ye Mpsa*, *Madi*. Gomme A a phela bjale, a dira diponagalo. Gomme gobane A le gona, re na le tokelo ya tšohle A re reketšego. Monna yo a nago le kolobetšo ya Moya wo Mokgethwa, goba mosadi yo a nago le kolobetšo ya Moya wo Mokgethwa, o na le tokelo go se

sengwe le se sengwe seo Jesu a re reketšego, ka gore leo ke leswao re nago. Ao ke maatla a go reka.

124 A re re mohlala wena o re, “Gabotse, Ngwanešu Branham, o ra go reng?”

125 Fa, e dire pepeneneng bjale, gomme ke nyaka lena batho ba go babja go hwetša se. Lebelelang, ge nka be ke ehwa lehu la tlala, gomme ke tseba llofo ya borotho, e re, e bitša kotara, gomme mmogo go tla ngwanešu gomme a re, “Kotara še, Ngwanešu Branham. O hwa ka tlala; tšea kotara ye.” Bjale, le a tseba, nka no thaba ka kotara yeo ka seatleng sa ka bjalo ka ge nka dira ka borotho ka seatleng sa ka, gobane ke swere maatla a boleng. Ke swere seka seo se hwetšago borotho. Gomme thwi fao go borotho; gomme selo se nnoši, ke swere seka, kotara yeo e rekago borotho, nka no thaba ka seka bjalo ka ge nka dira ka borotho.

126 Bjale, ge o na le kolobetšo ya Moya wo Mokgethwa, yeo ke Seka gore o na le selo se sengwe le se sengwe sa topollo seo Jesu a se hwetšego, ke sa gago, se ka seatleng sa gago. A o boifa go se tleleima?

127 Ge ke e bea ka potleng ya ka, gomme ka re, “Gabotse, ga ke tsebe ge eba nka reka borotho bjola goba aowa,” ke tla hwa ka tlala. Eupša elelwang, morekiši o re, “Ke na le senyakwa se tee, Mna. Branham. Disente tše masomepedi tlhano tše tee, o ka ba le llofo ya borotho.” Ke e swere! Amene. Seo se a e fediša.

128 Leo ke lebaka re sa bone dilo tše dintši bjalo di dirwa lehono, Seka ga se sa pealatšwa, Seka sa kgonthe. Oo, re na le mehuta ka moka ya mabofora, eupša ke ra Seka sa kgonthe.

129 Lebelelang, gona ge re lemoga le go neela Seka, Bophelo e bo tšerego sebakeng sa Seka, Madi a re bolelela. Elelwang, Madi a kgwerano a be a lemogwa le Seka, gomme Lentšu le re tiišeletša go tshepišo. Seka ke leswao gore tefelo e dirilwe bakeng sa rena.

130 Bjale, ge e ba o se wa akaretša ka go seo, gabotse, nnete, o ka se tsope wa hwetša selo; o no ba o sepelela kgabola mothalo wa thapelo, o sepelela morago ntle; o sepelela godimo go ya aletareng, le go lebelela godimo, o sepelela morago ntle.

131 Eupša, oo, ngwanešu, ge Seka sela gatee se beilwe ka go pelo ya gago—ya gago—ya gago, gomme o a tseba ke tsogo ya Jesu Kriste ka go wena, se sengwe se a direga. Ga go na selo se ya go go go retolla. O a tseba ke wena wa kae. Go obamela ka botlalo go Lentšu ka moka la Modimo go go fa maloka go Seka, gomme ga go selo gape. “Wa lehlogonolo ke yena yoo a dirago yohle ya Melao ya Gagwe, a ka ba le tokelo go Šehlare sa Bophelo.”

132 Gona, ge re rapela, re swanetše go ba le Seka go neela le dithapelo tša rena. Bjale se šitwe go hwetša seo. Ge o rapela, o swanetše go ba le Seka go swara godimo ga thapelo ya gago; ge o sa dire, tšwelapele o rapela go fihla Seka se etla, gobane

ga se o tshepišwe go se amogela. O a bona, o swanetše go ba le Seka se pele; bjoo ke boleng bja go lefela, tumelo ya gago go se dumela.

¹³³ Bjale, leswao la go obamela ka go tlala. Poifo e tlogile. Paulo o re botša gore, “Madi a bolela dilo tše kaone.”

O re, “Madi a a bolela?” Ya, Madi a a bolela.

¹³⁴ Go Genesi 4:10, re hwetša Modimo o boletše gore—gore a Kaine. . . goba, “madi a Abele a boletše ntle go tšwa lefaseng.” Re hwetša go Bahebere 12, gore, “Madi a kgwerano ya Kriste a bolela dilo tše dikaone go feta ale a Abele.” Le a bona? Re hwetša, Madi a a bolela, A bolela legatong la gago. Bophelo bjoo bo lego ka go wena bo bolela go tšwa go Madi a tšholotšwego. Amene. Oo, ngwanešu! Ke duma yo mongwe le yo mongwe a ka bona seo. Le a bona? Ge o ka bona se a lego sona, ke Bophelo bjoo bo lego ka go wena. Le a bona, Madi ao a tswalanya wena le Sona. Ke Seka. Se. . . Se se lego, Madi a tšholotšwe bakeng sa gago; o amogetše, gomme Bophelo bo tlile ka go wena. O na le Seka, seo ke Moya wo Mokgethwa.

¹³⁵ Gona ge re rapela, re swanetše re be le Seka go neela le dithapelo tša rena, bjalo ka ge ke boletše, gomme bjalo re dumele bakeng sa renabeng le go tlotša Seka go lapa ka moka, go swana le ka Egepeta, Jeriko, goba gona ka go Ditiro 16:31. Re hwetša Paulo o boditše molaolalekgolo wa Moroma, a re, “Dumela wena, gomme bohle ba lapa la gago ba tla phološwa.” Tlotša Sona go lapa la gago. Ge o na le ngwana wa go se phološwe, bea Seka thwi ka godimo ga gagwe, o re, “Morena Modimo, ke a mo tleleima.” Dula thwi fao. Ge o na le mme goba moratwa yo a timetšego, bea Seka sela godimo ga bona, e re, “Morena Modimo, ke a se tleleima.”

¹³⁶ Ntšhetša ntle, thogorogo yohle ya lefase, ka ntle ga ngwako wa gago, itokiše sebakeng sa Sona. Tšhuma dišothi tša gago. Lahlela kgole ditafola tša gago tša dikarata. Lahla disekerete tša gago. Tlogela gosedumele ga gago le maphephe a gago a kereke ka go thini ya matlakala, fao e lego gabo tšona. Amene. Gona o a itokiša. Gona go dirwang? Gona tlotša Seka ka thapelo, ka bohlatse bja kgonthe, tumelo ya kgonthe. Tlotša Sona, Se tlotše ka boitshepo. Ge o tlotša Seka, tseba gore o hlwekišitše godimo. “Ge dipelo tša rena di sa re ahlole, gona re na le dikgopelo tša rena.”

¹³⁷ Ge feela lena batho le dira tšona dilo tšeo e lego phošo, le ya go kgopela Modimo bjang go le direla e ka ba eng ge le tseba le phošo? Leo ke lebaka re no thekeselago godimo le go thekeselela morago. Ga ke bolele se go gobatša. Ke bolela se go otlollela ntle, go dira dilo di loke. O ya go aga bjang godimo ga melora ya Sodoma le Gomora? Bowang morago!

¹³⁸ Mekgatlokamano le badiredi ba dumeletše batho go dira e ka ba eng, gomme ba atlege, le go no bea maina a bona mo pukung

le go ba bitša *se, sela*, le *se sengwe*, mola e le kgobogo. Gomme e fihlile bjalo gore tumelo ke se sengwe seo ebile se sa . . . ebile ga o ke ebile o tseba gantši kudu seo e lego. Bona, ba na le kholofelo, eupša ga go tumelo.

¹³⁹ O swanetše go tla morago, go, se sengwe le se sengwe se kamilwe ntle le go hlweka. Gona tšea Seka sa gago, seo o tsebago gore ke Jesu Kriste ka go wena, gona Se tlotše. Ge se sengwe se sa direge, go na le se sengwe se fošagetše; eya morago gape, o swere selo sa phošo ka seatleng sa gago. O se tshepišitše. O bile Yena a se tshepišitšego. Tlotša Sona. Bala Baefeso 2:12, nako ye nngwe, go o rata go, gomme o tla hwetša fale.

¹⁴⁰ Hlokomela ka go Bahebere 9:11, gape. Paulo o rile, “Go hlankela Modimo wa go phela, ka dipolelo tša go phela.” E sego go no bolela go swana nka ya godimo go swana le Mohebere a be a fela a dira, a tšea sehlabelo sa gagwe, gomme a theogela tlase ga mmila, ka powana ye kgolo ya go nona, gomme a bea diatla tša gagwe godimo ga yona gomme a itsebiša yenamong, le go tšholla madi, a boela morago a lokafadišwe. Jehofa o e nyakile. O e dirile. Moloko wo o latelago, mohlomongwe ba bile ba go tonya gannyane; yo mongwe gape, o bile go tonya gannyane. Selo sa pele o a tseba, e bile motlwae wa lapa.

¹⁴¹ Seo ke se pentecost e bilego go rena, motlwae wa lapa. Re ya fase, ra re, “A pontšho yela ya thelebišene e be e se ye botse bošegong bjo? Ke a makala se ba se dirilego fase kua kerekeng? Morena Jesu, fodiša. . .” Oo, kgaogelo! O a bona? Ke wa lapa motlw-. . . “O a tseba, ke boletše ka maleme letšatši le lengwe. Ke wa *se*, goba *sela*, o a tseba. Uh-huh.” Oo, ke motlwae wa lapa!

¹⁴² O a tseba se Modimo a se boletšego? Modimo o rile, “Makhura a lena le dikgapa di a nka ka nkong ya ka. Yeo ke nnete, dihlabelo tša lena di fetogile monkgo.”

¹⁴³ Gomme dihlabelo tša Pentacostal di bjalo, le tšohle diripela godimo le go ya pela ga dikereke tša rena tša maina, le basadi ba rena le monna a dira ka tsela ye ba dirago, sebopego sa bomodimo; o šoma mmimo godimo, gomme yo mongwe o tabogela godimo le fase nakwana; gomme e fedile, go swana le motomo wa meetse o lahletšwe godimo ya yona, ge Lentšu la Modimo le ka direga go tla pele le go bolela se sengwe. Bothata ke eng? Dihlabelo tša lena di thomile go nka pele ga Jehofa.

¹⁴⁴ Gomme go bile ka yeo nako gore Jesaya a tle mo tiragalong, gomme o ba boditše, “Ke tla le fa leswao la neng le neng, kgarebe e tla ima.” Le a bona, ke lena fao. E sego dibopego tša go hwa le dithutotumelo, aowa; eupša dipolelo tša go phela, Modimo wa go phela yo a tsogilego go tšwa bahung, gomme a phela magareng ga rena.

¹⁴⁵ Tše dingwe tša tšona, dikereke tša go swana le tšeo, tšeo di dumelago dilo tše, di gana go na le selo se bjalo ka Seka. Gabotse, moisa o lekile go mpošša, “Ke feela baapostola

ba lesomepedi ba amogetšego Moya wo Mokgethwa. Bao ke bohle ba bilego. Ya.” Oo!

¹⁴⁶ Eupša rena re dumelago Lentšu, re tseba go fapana, re tseba gore bjo ke Bogona bjo bo phelago. Ka gore re tseba bjang ke Bogona bjo bo phelago bja Kriste, Moya woo o lego magareng ga rena? Bo dira selo sa go swana A se dirago. Bjo ke bohlatse bja bjona. Mobeine o tsebja ka kenywa o e tšweletšago. Gomme gona ge mobeine wola wa pele o etla pele gomme ba ngwadile Puku ya Ditiro ka morago ga bjona, gomme selo sa go swana seo Jesu a se dirilego, baapostola ba dirile; gona ge mobeine wola o etla godimo gape, o dira selo sa go swana. Le a bona, Bahebere 13:8 e re O a swana, oo, nna, go netefatša gore Modimo O mo tsošeditše godimo bakeng sa rena, go ya ka Lentšu la Gagwe la tshepišo. [Ga go selo go theipi—Mor.]

¹⁴⁷ Lehuto la tshepišo! Baefeso 4:30 e re, “Le se nyamiše Moya wo Mokgethwa wa Modimo, wo ka ona le swailwego go fihla letšatši la topollo ya lena.” E sego go fihlela tsošeletšo ye e latelago. “Go fihlela letšatši la topollo ya lena!” Go kolobeditšwe ka go Sona, go ya ka Bakorinthe ba Pele 12. Gomme ka go Yena go botlalo, gomme ga go sebe se lemogwago ka go Yena. “Yo a tswetšwego ke Modimo, ga a dire sebe. Peu ya Modimo e dula ka go yena, gomme a ka se dire sebe.” A ka dira bjang, mola Seka se le fao? Seka ke leswao o šetše a amogetšwe.

¹⁴⁸ Gomme, gabotse, o re, “Ke dira sebe.” Gabotse, gona ga sa nke wa ke wa ba le Seka. Le a bona?

¹⁴⁹ Seka ke sethibedi, go bontšha gore boleng bo lefetšwe. Ge Sathane a leka go e fa go wena . . . E no nagana ka se. Ge Sathane a leka go go fa bolwetši bjo bo itšego, goba a leka go go fa se sengwe, o a tseba o dire eng? Mmontšhe Seka sa gago. Kgonthe, bolwetši bo ratha Mokriste. Mmontšhe Seka sa gago, gomme mo netefaletše gore ke wena setšweletšwa serekwa sa Modimo. “Lwang le diabololo, gomme o tla tšhaba go tloga go lena.” Swara Seka godimo ga tumelo ya gago ya go se šišinyege mo Lentšung la Gagwe la tshepišo.

¹⁵⁰ Modimo o kile a fa leswao la molalatladi bakeng sa seka. Ke a tswalela. O file leswao la molalatladi bakeng sa seka. Ke no ba feela le metsotso ye lesome, gomme morago go ba le mothalo wa thapelo. Ka mehla O bile go botega go seka sela. A O ile? [Phuthego e re, “Amene.”—Mor.] O sa dira le bjale. Tšohle dikete tše tša mengwaga, ga se nke Yena le gatee, nako ye nngwe, a palelwa go se pealatša. O bile go rereša go seka sela, go re bontšha gore Yena ka mehla . . . gomme a ka se tsoge a palelwa go hlompha dika tša Gagwe. Ga ke tshwenyege ge se le . . .

¹⁵¹ Ge Jesu a sa tle go dikete tše lesome tša mengwaga, o na le Seka, O sa swanetše go Se hlompha. Ga go tshwenye ke dilo tše dintši bjang di fetogago, le e ka ba eng gape, O swanetše go hlompha Seka sela. O rile O tla dira. Go lokile. O letile rena

bjale go pealatša Seka sa Gagwe, godimo ga tumelo ya rena ya go fiwa ke Modimo, go bodumedi bjo bongwe le bjo bongwe bja go se dumele mo setšhabeng le mo lefaseng, bjoo bo dumelago gore maswao le matete ga a latele modumedi. Gomme botegelang Seka se, gomme Se bontšha gore leeto le šetše le lefeletšwe gomme re šetše re amogetšwe bakeng sa tsogo, re na le Seka Bophelo ka gare ga rena.

¹⁵² Woo ke Molaetša wa go ripa, eupša ke Therešo. Seo ke se re se hlokago, ke Therešo. Modimo a re thuše go tseba Therešo. “Le tla tseba Therešo, gomme Therešo e tla le lokolla.” Ke tleleima gore Jesu Kriste o a swana maabane, lehono, le go ya go ile. Ke dumela gore Modimo o fa Moya wo Mokgethwa bjalo ka Seka, thwi bjale, feela pele ga khudugo, ya mo—ya Monyalwa a e tšwa ka ntle ga kereke.

¹⁵³ Ke a dumela go na le ditšiebadimo tše dintši kudu, gomme batho ba re ba goeeditšwe, ba boletše ka maleme. Ke dumela go dilo tšeo; eupša o ka se ithekge godimo ga tšeo. O ka ithekga godimo ga tšeo bjang, gomme morago wa gana Lentšu? Le a bona?

¹⁵⁴ Seka ke Lentšu le tsebagaditšwe ka go wena, le phela ka Bolona ntle. Leo ke Modimo a le mohlatholli wa Gagwe Mong. Ga se o swanele go re, “Gabotse, bjale, o hlatholla leleme la ka.” Seo ga se yona. O hlatholla bophelo bja gago ka Lentšu. Ge A tšea lentšu la gago, se o lego, le go tsebagatša Lentšu la Gagwe ka fale, fao ga go hlokege tlhathollo ye itšego, e šetše e le fao. Modimo o dira tlhathollo ya Gagwe Mong, gomme re bile le ditshepišo tše bakeng sa letšatši.

¹⁵⁵ Oo, Dallas, lena sehlopha sa go ratega sa Bakriste, le se tšewatšewe ke selo se lehono, seo le se bonago se eya go dikologa, gobane se ya go senyega. Raloka Seka seo ka mehla, pealatša Seka seo. Bala Beibele. E tla godimo go se sengwe le se sengwe. Gomme ge moya wa gago ka go wena o sa re “amene” go Seo, gona bokaone o ye morago, fetola se o nago le sona, bakeng sa Seka; ga o na le Sona.

¹⁵⁶ Ke a tseba ke bontši ka moka go ba go bolela fa mo sekgaleleng se tee. Gomme ga bjale ke masometharo go tšwa go nne. Ke nako bjale, gomme ge re ka kgona go tšwa ka iri ya bohloano le mothalo wa thapelo.

¹⁵⁷ A le a dumela gore Jesu Kriste o a phela le go rena lehono? [Phuthego e re, “Amene.”—Mor.] A le a dumela se ke le boditšego ke Therešo? [“Amene.”] Ke Seka, senyakwa. Nka bolela feela se e lego Therešo. Ke bolela feela se ke se bonago, se ke se kwago, se se utologilego go nna. Gomme gobaneng ke bolela se; go dinako tše masomesome tša diketekete le dinako tše diketekete, ga go na le nako e tee e kilego ya palelwa go ba therešo. Bjale seo e swanetše go ba Modimo. Seo e swanetše go ba Modimo. Gabotse, a Modimo a ka fa bodiredi go swana le bjo go yo mongwe yoo a sa tsebe go

se ba bolelago ka ga sona? ["Aowa."] A A ka itsebagatša Boyena bjalo ka mmoni yola fale, gomme morago a retologa go dikologa gomme a mo fa Lentšu la go hlakahlakana? ["Aowa."] Mothaka yo a Se ganago, ke yena a hlakahlakanego. Gomme Modimo ga se a hlakahlakana. Modimo ke mohlatholli wa Gagwe Mong.

¹⁵⁸ Amogela Seka! O se ithekge godimo ga go tšoenā kereke ye itšego goba dibopego tše itšego, goba eng kapa eng. Hwetša Seka! Swara Sona. Ke selo se nnoši seo Modimo a tla se lemogago. Ge o etla tlase go iri yela, ge go etla go lehu la gago, bokaone o sware Seka sela godimo ga wenamong; o tseba gore mo letšatšing leo la go tla ga Gagwe, tsoego yela, nka neela ka Seka seo. Go ka se be ka go mmele wo, o bodile godimo; eupša mo Moyeng wo, woo o ka se hwe, ke wa Bophelo bjo Bosafelego, Seka se ithekga fao. Gomme O tshepišitše, "Ke tla mo tsošetša godimo gape ka letšatši la mafelelo."

¹⁵⁹ Yena Jesu Kriste wa go swana o fa. Ke yena Motseta. Yena ke. . . Šo Molaetša, gomme Yena ke Motseta fa go tsebagatša Molaetša wa Gagwe. Ga se nna Motseta. Yena ke Motseta, gomme Wo ke Molaetša. Gomme ge e ba o na le moya wo o ganetšanago le Woo, go ka ba bjang Motseta wa Molaetša? Ke feela Seka se tlogo O tsebagatša. Amene.

¹⁶⁰ Ke kwa bodumedi. Ka kgonthe ke a dira. Ke kwa o ka re nka fofela kgole bjale thwi, ka gore ke tseba Yoo ke mo dumetšego, gomme ke bone bophelo bja ka bo tswalanywa le Yena mo tsogong ya Gagwe. Bogona bja Gagwe bo fa. Amogelang Bjona, bagwera, ka kgopelo dirang, tlase ka pelong ya lena.

¹⁶¹ Ke a tseba bohle re tla godimo go dikologa aletara le go rapela. Yeo ke kgopolo ya kgale ya Methodist. Ga se nke ba ke ba dira seo ka go Beibele. Beibele e rile, "Ba bantši ba ba dumetšego ba ile ba kolobetšwa." Yeo ke nnete. Ga go selo se bjalo ka pitšo ya aletara ka Beibeleng. Seo ke se sengwe re se loketšego, se se lokilego. E ka ba eng Modimo a šegofatšago, se lokile.

¹⁶² Go swana le ge ba tlotša mašela. Ga se nke gwa ba le selo se bjalo ka Beibeleng. "Ba tšere go tšwa mmeleng wa Paulo disakatuku le dithethwana."

¹⁶³ Eupša e ka ba efe tšela o nyakago go e dira, e lokile, mo setulong sa gago, mo aletareng, e ka ba kae se lego. Selo se nnoši, tlotša Seo, Seka go wena. Morago itebelele wenamong godimo, gomme o bone ke mohuta ofe wa bophelo bo yago pele, bona ge e ba Se šetše se tlotitšwe goba aowa. Ge Se sa be, gona bea e ka ba eng o na lego, ka thoko, gomme o bowe morago, go fihla Seka se tlotitšwe.

¹⁶⁴ A re rapeleng. Tate wa Magodimong, mohlomongwe ke—ke—ke boletše ka go hlaganela, eupša, Morena, sepikiri se ya go swara bjang ntle le ge o se rebethela? Ke a rapela, Tate, gore se tla rebethelwa ka dipelong tša batho, gore ba tle ba bone gore ga se selo se se lebantšhitšwego. Ga se gore ke leka go tsebagatša

mokgatlo wo itšego, kgorwana ye itšego, bodumedi bjo itšego, motho yo itšego, goba nnamong, goba yo mongwe gape. Ke Jesu Kriste. “Ke tla lahla mekgatlo yela yohle mmogo,” ke tshela ya e tee le seripa sa tasene ye nngwe, go ya ka Lentšu la Gago. “Mme wa kgale wa seotswa,” Beibele go Kutollo 17, “o be a le mme wa yo mongwe le yo mongwe wa bommalegogwana.” Gomme ba be ba ka se be monna. Ba be ba le bommalegogwana, gomme bohle ba ile ka go malao a sefefase. Gomme re a bona e dirilwe, Mapentecostal le bohle.

¹⁶⁵ Eupša, Jesu, O sa dutše o le Jesu. A nke ba se theeletše go molaetša wa kereke; eupša Molaetša wa Kriste, Lentšu. A nke O tsebagatše Bowena, Morena, lehono, le badumedi. Fodiša balwetši bohle. Swarela dibe tša rena, Morena. Ke—ke a rapela, bjalo ka mohlanka wa Gago, hle swarela dibe tša ka, gomme swarela dibe tša batho ba. Ke a tshepa, Morena. Yo mongwe le yo mongwe wa bona ga go pelaelo ba thušitše go meneelo, go lefela bakeng sa me—me meago, gomme ba šomišitše tšhelete ya bona, gomme ba—ba—ba dirile se sengwe le se sengwe, Morena. O Modimo, ke a rapela gore go se be le yo motee wa bona a se hlaela, Morena. A nke yo mongwe le yo mongwe.

¹⁶⁶ Ke—ke dira seo ka tlhokofalo, gomme go le bjalo, Morena, o swanetše go kgwahliša. Re a tseba, go phošolla ke lerato. Lerato le a phošolla. Gomme ke a rapela. Ka gore leo ke lebaka leo O phošolotšego batho ba Gago, e bile gobane O ba ratile, gomme sebe se sengwe le se sengwe se swanetše go arabelwa.

¹⁶⁷ Gomme, Tate, ke a rapela gore O tla swarela dibe tša rena bjale, bjalo ka ge re ipolela tšona. Re phapharegetše kgole kudu, Morena. Ke tswalantšwe le batho ba ba Pentacostal, Morena. Ke—ke yo mongwe wa bona. Gomme ke—ke a rapela, Modimo, gore O tla re swarela bohle. Gomme wa tšea ba bangwe ba baetapele ba le go ba retolla go dikologa, le—le go ba dira ba lebelele go lebanya Khalibari fale gatee, gomme gona ba tla lebala ka ga se ba swanetšego go ba, mopotologi goba mopišopo, goba e ka ba eng e ka bago, le go tseba gore ga se rena ba bagolo ka go Mmušo wo. Rena bohle re bana ba Modimo. Ke rapela gore O tla re thuša bjale. Itsebiše Wenamong magareng ga rena, lehono. Re kgopela ka Leina la Jesu Kriste. Amene.

¹⁶⁸ Bjale feela pele re thoma mothalo wa thapelo, go ka ba yo mongwe fa ga se nke a be fa pele. Ga ke tsebe yoo o lego, eupša Modimo o a go tseba. Ge ke boletše Therešo, a nke Modimo a e tsebagatše, ge e ba ke Therešo goba aowa, yeo ke bohlatse bja yona. Ge A tsogile go tšwa bahung, O a swana maabane, lehono, le go ya go ile. O rile go Johane 14:12, “Yo a dumetšego,” e se go yo a itirago go dumela. “Yo a dumetšego go Nna, mediro yeo Ke e dirago o tla e dira le yena.” A yeo ke nnete?

¹⁶⁹ Yo mongwe o rile, “Ye megologolo o tla e dira.” Yeo ke nnete. O rile, “Gabotse, re rera Ebangedi, yeo ke ye kgolokgolo.”

170 Feela dira dilo A di dirilego, seo se tla e netefatša go nna, le a bona, gona re tla bolela ka tše dikgolokgolo. Nka le bontšha dilo tše kgolokgolo A di dirago bjale go feta A dirile ge A be a le lefaseng, gomme seo ga e no ba go rera Ebangedi, goba; yeo e ka go maswao le mehlolo. Ga go nako bakeng sa yona. No dumela. Gomme a nke Modimo wa Legodimo, Yo a tsošeditšego godimo Jesu Kriste go tšwa bahung, gomme a Mo neela fa a phela, go rena, ka morago ga mengwaga ye dikete tše pedi, a tsebagatše Molaetša wo, gore O nepagetše. Seka se swanetše go tlotšwa.

171 Bjale, lena ba le nago le mekomane le mathata, rapelang, feela ka tlhokofalo le re, “Morena, ke a dumela gore Wena ‘o Moprista Mogolo yo a ka kgwathwago ke maikutlo a mefokolo ya rena.’ Gomme re boditšwe ke modiredi yo fa, gore O na le le rena, o gona, gona ke nyaka Wena o be gona le rena le go tsebagatša Wenamong.” Bjale rapelang, yo mongwe le yo mongwe wa lena.

172 Bjale go ya ka Modimo go bolela se sengwe. A nako! Oo, nna! Ke duma le ka no tseba se sengwe, ka fao le ikwago ge Sela se etla, lefase ka moka ke la gago. Amene. Ga go diabololo a yago go dira se sengwe, ke sephedi se se fentšwego. Morena wa ka o gona. Tšohle di ka diatleng tša rena. Amene.

Hle homolang ka kgonthe. Le se sepele. Dulang go iketla.

173 Lena ka go dikoloi tša bagolofadi, le dilo, le se nagane gore ga go na thušo. Dumelang. Le—le, le ile go kgabola methalo ya thapelo, gomme le paleledišitšwe le go paleledišwa. E be e se modiredi yoo a le rapeletšego, a paletšwego. Ke tumelo ya lena, gomme le thoma go nagana ga le ye go dira selo. Le a dumela.

174 Fa, fa go na le Seetša se fa, godimo ga mohumagadi yo monnyane wa lekhalate a dutše morago fa, a eme le diatla tša gagwe godimo ka mokgwa wo. Ya. O be o rapela. Ya. O ntumela go ba moprofeta wa Gagwe, goba mohlanka wa Gagwe? Ga ka swanela go bolela seo, gobane se šitiša batho ba bantši bjalo. O na le ye kaone . . .

175 Fa go monna yo mošweu, mosadi wa lekhalate, feela go swana go bile Morena wa rena le mosadi mo sedibeng, mehlobo ye mebedi ya go fapana. O ba dirile ba tsebe ga go na phapano go mehlobo. Mebala ya rena ga e na selo go dira le yona. Rena bohle re . . . Re ka fana neeletšano ya madi. Modimo o dirile, ka madi a matee, ditšhaba tšohle.

176 O na le go opša ke hlogo, go opa ga hlogo go go maatla. Kagona o na le morwalo mo pelong ya gago, woo ke bakeng sa ngwana yola. Gomme o . . . E gateletšwe. [Kgaetšedi o re, “Amene.”—Mor.] Yeo ke ka kgonthe. A yeo ke therešo? [“Amene.”] Yeo ke nnete.

177 Mohumagadi a dutšego godimo go tloga go wena fale, o bonala e ke o tswalane le wena, yo e lego mmago. [Kgaetšedi o re, “Amene.”—Mor.] Yeo ke nnete. [“Tumišang Modimo!”] Gomme o na le se sengwe se fošagetše ka yena.

178 A o a ntumela, mohumagadi? [Mme o re, “Amene.”—Mor.] O a dira? Bothata bja gago ke bohloko ka lehlakoreng la gago. Yeo ke nnete. Ke lehlakore la gago le letona le lego bohloko. A yeo ke nnete? Phagamiša godimo seatla sa gago, ge seo e le nnete. Ga go ye go go tshwenya gape. O a dumela (ge) Modimo a ka mpotša ke wena mang? Mdi. Lowell. [“Amene.”] Go nepile. [“Amene.”] Go lokile, eya pele mo tseleng ya gago, Morena Jesu o go fa kgopelo ya gago.

179 Thwi ntle mo mafelelong a fao go mosadi yo monnyane wa lekhalate yo mongwe a dutše, a lebeletše, se se no—se no nyakile se mo ripaganya ka ditoki. O lebeletše thwi go nna. O a e dumela. Seo, a ga o bone Selo seo thwi fao hleng le yena? O tlaišega ka bothata bja dipshio. Yeo ke nnete. Go fedile bjale; O go fodišitše. Amene.

180 Gobaneng le sa dumele? “Ge o ka dumela, dilo tšohle di a kgonagala.” A le dumela seo? [Phuthego e re, “Amene.”—Mor.] Fa go . . . Lebelelang batho ba makhalate! Tumelo ya lena e go kae, batho ba bašweu?

181 Fa go mohumagadi wa lekhalate a dutše thwi fa, a lebeletše thwi go nna, mohuta wa mohumagadi wa sešihlanka. O na le bothata ka letolo la gagwe. Gape o na le bothata, o na le bothata bja pelo. Ya. Gomme o na le bofokodi, meroromelo le dilo bjalo ka tseo, gagolo ge o leka go robala fase, go pharama. Le a bona? Seo se diregile bošegong bja go feta. Elelwa, ga ke bale monagano wa gago, eupša ke tseba se o rapetšego mabapi le sona. O nyakile go bitšwa ka se, lehono, gomme O arabile bakeng sa gago. Bjale gape go thata go wena go ka tsoga, gobane o na le atheraithise. Yeo ke nnete. Gomme gona, selo se sengwe, o na le bothata bja mogodu, bjo e lego sekutu ka gare ga mogodu wa gago. Yeo ke therešo. Bjale a o a ntumela go ba moprofeta wa Gagwe? Ke tla e bolela, go le bjale. Dumela, gomme o tla fodišwa.

182 Go reng ka bothata *bja gago* bja mogodu? A o a dumela gore Modimo o tla go fodiša bothata bja gago bja mogodu, o dutše fale, le wena? A oa e dumela? Go lokile, gona o ka hwetša phodišo ya mogodu wa gago. Amene.

183 O nyaka go tlogela go kgoga, fale, mohumagadi? O dumela Modimo o tla go dira o tlogele go kgoga? O be o leka nako ye telele. O na le bothata bja mogodu, gape; o be o leka go tlogela disekerete. Seo ke se se dirago bothata bja mogodu wa gago. A o tla di tlogela? Ke a di raka go tloga go wena, ka Leina la Jesu Kriste, bakeng sa tumelo ya gago go Mo kgwatha.

Ke a go hlohla go dumela Modimo!

184 Fa go mosadi yo monnyane a dutše fale a rapelela . . . moratwa ka bookelong, a ehwa, ka kankere. Nnete. Ke malome. Yeo ke nnete. Wena o goba . . . Mosadi wa modiredi. O dumela ka pelo ya gago yohle, monna o tla ba gabotse.

185 Ke a go hlohla go dumela Modimo! Ke eng seo? Boitsebišo, gore Jesu Kriste. O re, “Kriste ke eng?”

186 Yena ke Lentšu. “Mo mathomong go bile Lentšu, Lentšu le be le na le Modimo. Gomme Lentšu la dirwa nama gomme la dula magareng ga rena.” “Lentšu le bogale go feta tšhoša ya magalemabedi, mohlatholodi wa dikgopolo le maikemišetšo a pelo.” Ga le kgone go bona Lentšu le tlile magareng ga rena mo matšatšing a mafelelo? Ke Moya wo Mokgethwa o tšea Lentšu la Modimo le go tsebagatša Jesu Kriste, yo e lego Seka. Amene. A le a dumela? [Phuthego e re, “Amene.”—Mor.]

187 Ke ba bakae ba nago le dikarata tša thapelo? A nke bohle ka lehlakoreng *le* bao ba nago le dikarata tša thapelo, emelelang godimo ka go mothaladi wo godimo *fale*. E no emang, bohle ka lehlakoreng lela, feela lehlakore lela emang ntle fa ka go aesele. Aowa, feela go letsogo le letona la aesele, hle, thwi fale. Diašara, eyang lefelong la lena. Morago ge ba tlile go kgabola, dumelelang ba bangwe go emelela godimo, ka morago ga ge ba tlile go kgabola, gona ka go hlanola le lehlakore le lengwe. Bjale a nke yo mongwe le yo mongwe a be le tlhomphekogolo.

188 Moya wo Mokgethwa o tšere godimo kopano, kafao go bile go lekanetšego go boletšwego le go dirwa go netefatša. Ke ba bakae ba dumelago O fa? Ke ba bakae ba dumelago seo ke Seka? Ke ba bakae ba dumelago ke Lentšu? [Phuthego e thoma go hlalala—Mor.] Lebelelang, ke ba bakae ba tsebago gore Puku ya Baheberere e boletše, gore, “Lentšu la Modimo le hlatha dikgopolo tšeo di lego ka pelong?” Ke ba bakae ba tsebago seo? Ke ba bakae ba tsebago gore leo ke lebaka Jesu a kgonago go hlatha dikgopolo ka dipelong tša bona, gobane O be a le Lentšu? Ke ba bakae ba dumelago yeo? Ke ba bakae ba dumelago gore seo ke se se bego se na le baprofeta? Bona ke ba Lentšu le bego le etla go bona. Bjale ge Lentšu le boela go rena, a Le ka se dire sa go swana? Gona go ka ba bjang Lentšu leo le tsebagatšago Lentšu, le fošagale ka Lentšu? Oo, kgaogelo! Tlhomphekogolo!

189 Hei, mohumagadi yo a dutšego fa, o na le se sengwe mo pelong ya gagwe, le yena. Ke no direga go retologa go dikologa le go e swara. A ga se wena Mdi. Grant? Ga se nke ka tseba seo. Eupša ke wena Mdi. Grant, gobane ke go bona le yona. O na le go boifa mo go go tshwenyago. O na le, morwa wa gago o na le se sengwe gape . . . madi a gagwe, go swana, a rotha. Ke a go hlohla go e dumela! Amene. Yena ke Mong wa seemo. Yena ke Mong wa lehu.

A re rapeleng.

190 Morena Jesu, ge Bogona bja Gago bo sa re tlotša, fa ka go moago wo, gomme re a lemoga wo ke Moya wo Mokgethwa, ke a rapela, Morena, gore O tla fodiša motho yo mongwe le yo mongwe yo a aparago disakatuku tše.

¹⁹¹ Nako ye nngwe, re a rutwa ka Beibeleng, gore batho ba Gago, thwi ka go mothalo wa mošomo, ba be ba tshela Lewatle le Lehubedu, gomme lewatle la tla tseleng ya bona, mo mmileng wa bona go ya nageng ya tshepišo. Modimo o lebeletše fase ka Pilara ya Mollo yela, ka mahlo a galefilego, gomme lewatle la tšhoga, la šuthela morago, gomme Israele ya sepela go ya nageng ya tshepišo, thwi ka go mothalo wa mošomo.

¹⁹² O Morena Modimo, a nke mahlo a Gago a lebelele ka Madi a Jesu Kriste, fase ka go Seka se fa seo re se swerego godimo ga disakatuku tše lehono. Gomme a nke yo mongwe le yo mongwe yo a aparago se, a nke bolwetši bo tšhoge, a nke bo ye morago gomme dumelela batho ba Gago go tshelela go tshepišo ya bophelo bjo bobotse. “Thapelo ya tumelo e tla phološa molwetši.” Ka Leina la Jesu Kriste, a nke go be bjalo. Amene.

¹⁹³ Ke ba bakae bareri ba Methodist ba dumelago ba lego fa, bareri ba Baptist, bareri ba Presbyterian, bareri ba Baptist, Lutheran, goba Mapentacostal? Ke ba bakae ba lena ba dumelago Se go ba Therešo? Etlang fa le go ema hleng ga ka ge re rapelela balwetši gona. Etlang godimo fa, lena bohle bareri bao ba dumelago.

¹⁹⁴ E lokile, ga se yona? Ngwanešu Grant, yeo e lokile? [Ngwanešu Grant o re, “Kgonthe.”—Mor.] Uh-huh.

¹⁹⁵ Etna fase fa, ngwanešu. Ngwanešu Grant o na le bodiredi bja go rapelela balwetši. Monna wa mogale, monna wa go loka, monna yoo Modimo a kwago le go araba thapelo bakeng sa, Ngwanešu Grant. Ke thabile go bea letsogo la ka go mo dikologa lehono le go bolela seo, le ngwanešu. Bjale o ya go ba fase fa a rapela le nna.

¹⁹⁶ Ge o etla go kgabola mothalo wo, go no swana o be o etla ka tlase ga sefapano. Baena, dirang mothaladi wa go menaganagabedi thwi fa, thwi fa. Dirang mothaladi wa go menaganagabedi; ba bangwe godimo fa, ba bangwe tlase fale.

¹⁹⁷ Ngwanešu Roy Borders, o go kae? Ngwanešu Roy Borders, ke naganne o be a le fa. [Yo mongwe o re, “O tla ba bowa.”—Mor.]

¹⁹⁸ Lebelelang go fa, go badiredi, a le ka! Lebelelang go fale. Seo se ntira go kwa gabotse, baena. Badiredi ba sefapano, monna yo a emago godimo go itswalanya bobona le Molaetša. Ke eng e ka diregago?

¹⁹⁹ Bjale, lebelelang, le se e bee go badiredi bjale. Ba tlile go itsebiša ka bobona. Ge le feta go kgabola fa, itse-...swara Seka pela ga gago, “Morena Jesu, ke ipoletše dibe tša ka. Ka go retologa, O mphile kolobetšo ya Moya wo Mokgethwa. Ke setšweletšwa se se rekilwego. Sebe, bolwetši goba ga go selo se ka ntshwarago go tloga fa go ya pele. Ke sepela thwi.” Swara seo, oo, pele ga gago, le go feta go kgabola fa, gomme Modimo o tla go fodiša gomme o tla ya ntle ga fa o hlaletše, o thabile, le go ba gabotse. A le a dumela? [Phuthego e re, “Amene.”—Mor.]

²⁰⁰ Bjale motho yo mongwe le yo mongwe ka fa, a re inamišeng dihlogo tša rena, baena, ge re sa le mmogo. Ga re tsebe se se yago go direga. Re no se tsebe. Ga go na lebaka le itšego go motho wa go babja yo itšego go tloga go moago wo sekgaleleng se. Swara Seka sela ka pelong ya gago, feta thwi go kgabola mothalo wo wa thapelo; moo badiredi, ba ba gafetšego maphelo a bona go—go bodiredi, o ya go ema fa, go beya diatla godimo ga gago ge o feta go kgabola.

O re, “Gobaneng o dirile seo, Ngwanešu Branham?”

²⁰¹ Ke nyaka lena, yo mongwe le yo mongwe, go tseba gore feela. . . Ga se nna mofodiši. Monna ba ba no ba le tokelo kudu bjalo go rapelela balwetši bjalo ka mang kapa mang. Nnete, ke dumela Modimo o tla araba thapelo tša bona pele A ka dira ya ka. Ke lapile le go ngenega, le se sengwe le se sengwe. Ke—ke dumela gore O tla araba thapelo tša bona. Gomme fa ba eme thwi ka bogareng bja yona, go tswalanya bobona, ba sa lewe ke hlong go tšea lefelo la bona. Ke thabela monna go swana le yoo.

²⁰² Bjale, baena, ke tseba maikutlo a lena. Ke nna, ke nna yo mongwe le lena. Ke nna yo a logagantšego nnete le lena, ntle fa ka Texas, go leka go swara ye nngwe le ye nngwe ya tšona dihlapa tšeo Modimo a di beetšego go Bophelo, ntle fale. Ke dira bjona bokaonekaone bja ka. Ke na le le lena, diphesente tše lekgolo le letee. Dinako tše dingwe ke a omana le go kgathola mabapi le mekgatlo le dilo. Seo ga se re gore ke kgahlanong le wena, ngwanešu. Ke ra go re ke kgahlanong le tshepetšo yeo e tla go re aroganya go tloga go beng banešu, bakeng sa thuto ye itšego ya bodumedi. Rena re banešu ka kolobetšo ya Moya wo Mokgethwa. Re swara Seka sa go swana. Re amogetše Madi a go swana, kafao a re dumeleng seo. Re ka kopana Fale (a re ka se?), baena, yo mongwe le yo mongwe wa rena ka tlase ga Madi.

²⁰³ Bjale, ke hlomamišitšwe Mobaptist. Mohlomongwe o Momethodist, goba Molutheran, goba Mopresbyterian, Mopentacostal, Mooneness, Motwoneess, Mothreeneess, goba e ka ba eng o nago, Kereke ya Modimo, e ka ba eng e lego. Seo ga se dire phapano e itšego. Re ka se kwane godimo ga tšona dilo tše dinnyane, a re lebaleng ka yona gona.

²⁰⁴ Se sengwe re ka kwanago godimo, gore Jesu Kriste Mophološi wa rena o hwetše dibe tša rena, o tsogile gape gomme o re fa Seka. Re eme fa ka dithapelo tša rena, go swara godimo banešu le dikgaetšedi ba ba go babja ba ba fetago go kgabola mothlaladi wo. Ke ya go e dumela ka pelo ya ka yohle.

²⁰⁵ Ke bone se sengwe se direga thwi nako yeo. Amene. Ke a tseba le nagana ke a tsenwa, eupša ke ikwa gabotse go tsenwa. Ke no holofela nka dula ka tsela ye. Ee, mohlomphegi. Ke no kwa bose ka tsela ye.

A re rapeleng.

²⁰⁶ Morena Jesu, ke sepela go tloga sefaleng se, tlase fa, go itswalanya bonna le banešu ba. Ke itswalanya ka bonna le bona, bjalo ka ge bohle re swere Dika tša rena ka diatleng tša rena, le ka dipelong tša rena. Bjalo ka ge re obamela molao wa Gago, “go bea diatla godimo ga balwetši, gomme ba tla fola.” A nke motho yo mongwe le yo mongwe a fetago go kgabola fa, a neele Seka sa bona, gore ba amogetše Moya wo Mokgethwa, gore ke bana ba Modimo ba tswetšwego gape, gore ba e dumela ka pelo ya bona yohle. Gomme ge ba sa feta go kgabola, a nke ba rogake diabolo yola le ditlaišego tša mmele ya bona. Gomme a nke ba ye ntle ga fa ba hlalala, ba tseba gore tumelo ya bona e ba dirile ba thakgafale.

²⁰⁷ Gomme, Morena Modimo, bjalo ka ge re beile, Testamente ya Kgale, diatla tša rena godimo ga sehlabelo, go itswalanya ka borena le sehlabelo, re bea diatla tša rena godimo ga Jesu le go itswalanya ka borena le Yena. O beile diatla tša Gagwe godimo ga rena bjale ka go bodiredi, a itswalanya Yenamong le rena, ka maswao le matete. Gomme re bea diatla tša rena godimo ga balwetši, go itswalanya ka borena le bona, ka tumelo ya rena e kgomagane le bona. Bolwetši bo swanetše go tloga, gomme a nke bo dire ka Leina la Jesu Kriste, bjalo ka ge re theogela tlase fa go se amogela.

A nke phuthego yohle e rapele.

²⁰⁸ Roy goba yo mongwe etla fa gomme o eme hleng le segodišantšu se, gomme bolokang mothaladi o otlologile.

²⁰⁹ Lebelelang, ge le feta bjalo go kgabola fa bjale, etlang le dumela, etlang le rapela. Re no ya go bea diatla go balwetši. Etlang thwi go kgabola. Rapelang. Ge le feta go kgabola mothaladi wa badiredi ba; ge e ba o sepela ka dikota, di bee fase gomme o sepele kgole. Ge eba o bile le kankere, bolwetši, e re, “Ngaka o dirile tšohle a ka go di dira, o dirile tšohle a ka dirago, gomme o rile ke swanetše go hwa. Ga ke ye go hwa. Seka sa ka sese, Morena. O ntshepišitše masometshela le lesome. Ke ya thwi go kgabola fa, go e dira.” Le a bona, dirang seo. A le tla se dira? [Phuthego e re, “Amene.”—Mor.] Ka Leina la Jesu, a nke e be bjalo. Amene.

²¹⁰ Go lokile, dumelelang mothaladi go kgabola. [Ngwanešu Branham le badiredi ba rapelela balwetši, bjalo ge ngwanešu a etelela phuthego pele ka go opela *Dumela Feela* le dikoša tše dingwe. Ga go selo go theipi—Mor.]

Ke a dumela!

Dipelaelo tša ka tšohle di bolokilwe

Mothopong.

²¹¹ A le a e dumela? [Phuthego e re, “Amene.”—Mor.] Amene. Oo, a ga A makatše? [“Amene.”] Ba bangwe ba bona ba be ba le godimo ga dikhote le maako, ba emeletše thwi godimo le go sepela go tloga; ba no di tlogela di robetše fale, gomme ba sepela

go tloga. Oo, ke yo mongwe le yo mongwe a ka fodišwa bjale, yoo a tla e dumelago. A le a dumela? ["Amene."]

²¹² A nke re fe molodi, *Ke A Mo Rata*, a o ka, kgaetšedi; koša ya kgale, "Ke a Mo rata, ke A mo rata gobane . . ." ? A re nong bohle re phagamiše mantšu a rena, le diatla tša rena, dipelo tša rena, go Modimo, gomme re opele, "Ke a Mo rata, ke a Mo rata, gobane O nthatile pele." Yo mongwe le yo mongwe bjale.

Ke a Mo rata, ke a Mo rata
Gobane O nthatile pele
Le go reka phološo ya ka
Mo Khal- . . .

²¹³ Mohumagadi, godimo ntle ga setulo sa bagolofadi, a sepela go putla fa ka thekgo ya monna ba babedi. "Ke . . ." A re šišinyeng diatla tša rena go Modimo, "Ke a Mo rata!"

Ke a Mo rata
Gobane O nthatile pele
Le go reka phološo ya ka
Mo wa Khalibari . . .

A re no Mo tumišang, yo mongwe le yo mongwe!

²¹⁴ Letago go Modimo! Re Go leboga bjang, Morena Jesu, bakeng sa go loka ga Gago, Bogona bja Gago. Oo, re a Go leboga bakeng sa Seka, Morena. Re phološitšwe le go tlatšwa ka Moya, Moya wo Mokgethwa o hlohleletša mebele ya rena bjale. Re Go leboga bjang bakeng sa se, Tate! Oo, ka Leina la Jesu re a Go leboga. Amene. Amene.

²¹⁵ Yo mongwe le yo mongwe šikinya diatla, o re, "Tumišang Morena!" Šišinyanang seatla sa lena, le re, "Tumišang Morena! Tumišang Morena!" (. . . ? . . .) Go lokile, bjale, bohle mmogo gape.

Ke a Mo rata, (diatla godimo, dipelo godimo)
ke . . . (no e hlagiša go tšwa pelong ya gago)
Gobane O nthatile pele (O ya go phatlalatša?)
Le go reka phološo ya ka
Mo mohlareng wa Khalibari.

²¹⁶ Bjale a re inamišeng dihlogo tša rena ka tlhompokgolo ka kgonthe, ge ke retollela tirelo bjalo go Ngwanešu Grant bakeng sa go phatlalatša; go leboga yo mongwe le yo mongwe wa lena. Sa pele, go leboga Morena bakeng sa go loka ga Gagwe, kgaogelo ya Gagwe, le tiišetšo yeo ke holofelago gore re e tlogetše ka pelong tša lena, gore ga re fa re nnoši. Kgoši Molaodi mogolo wa rena o magareng ga rena. Go goeletša ga Kgoši go ka kaping. Gomme re leboga Morena, go bona maatla a Gagwe a magolo le kgaogelo ya Gagwe ye kgolo. Gomme bjale a re inamišeng dihlogo tša rena ka tlhompokgolo. Ngwanešu Grant.



SEKA NST64-0308
(The Token)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena ka sekgalela, Matšhe 8, 1964, ka Tempeleng ya Soul's Harbor ka Dallas, Texas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org